

摘藻堂四庫全書薈要

經部

欽定四庫全書薈要

經部

欽定周官義疏卷三

詳校官編修臣程嘉謨



欽定四庫全書薈要卷二千三百六十六

經部

欽定周官義疏卷三

天官冢宰第一之三

禁小宰之職掌建邦之宮刑以治王宮之政令凡宮之糾

正義鄭氏康成曰宮刑在王宮中者之刑賈疏下云以宮刑憲

禁于王宮糾猶割也察也賈疏事已發者依法斷割之未發者審察之葉氏

時曰小宰貳大宰首王宮之刑禁蓋侍御僕從一有

不正出入起居一有不欽皆足以蠱惑君上而生心
害政故宮刑雖以為王宮之禁而實以格君心之非
湯制官刑儆於有位三風十愆備及於宮室之隱微
伊尹引以為訓而繼之曰嗣王祇厥身念哉正此義
也 王氏詳說曰凡者總辭凡宮則王宮后宮總在
是矣

案王宮之政令宮正宮伯所掌及膳夫以下凡在宮
有職業者皆是也政令有不如式者糾禁之其六官

之入王宮者糾禁亦及焉宮禁之灋士師所掌而小宰治之如所犯者大則以歸於士可知也此職云正歲以宮刑憲禁于王宮內宰職云正歲憲禁令于王之北宮而糾其守然則后宮雖總統於小宰而實專司於內宰

通論王氏昭禹曰大司寇五刑無宮刑以小宰建之也士師職亦有宮禁者宮禁掌於士師而治之者小宰也

案冬官亡小司馬闕四官之貳皆專掌一事為正所
不兼故首列之小宰之宮刑小司徒之教法小宗伯
之神位小司寇掌外朝之政以詢萬民是也六典皆
大宰所建而小宰小司徒復言建者見其所專司也
小宗伯之神位亦曰建者以其為天神地示人鬼之
禮之首事也惟小司寇不言建蓋外朝之位叙進而
問之儀一定不移無所為建耳太史通古今明天道
達人事故與大宰同曰建六典凡言建者蓋與其長

審定其灋而後施之非直明布告之而已小宰所以建宮刑者以治王宮之政令而習察其情事也

掌邦之六典八灋八則之貳以逆邦國都鄙官府之治執邦之九貢九賦九式之貳以均財節邦用

正義鄭氏衆曰貳副也

鄭氏康成曰逆迎受之

賈疏

迎受而句考之以知功過所在也

賈氏公彥曰大宰有九職小宰

不掌其貳者九職任民使之出貢則小宰亦貳之

易氏祓曰大宰以典灋則總治體小宰則執其貳以

察奉行之實大宰以貢賦式制國用小宰則執其貳以察均節之宜所以為治官之貳

案大宰職賦先於貢者論敷政之次第則由內而達外也此貢先於賦者綜財用之大凡則舉遠以及近也

通論王氏安石曰六典八灋八則之書大宰大史司書掌其正小宰司會掌其貳小宰大史司會皆言逆者所治在大史則大史逆之所治在司會則司會逆

之所治在小宰則小宰逆之也

以官府之六叙正羣吏

正義鄭氏康成曰叙秩次也謂先尊後卑 賈氏公

彥曰各依秩次則羣吏得正 呂氏祖謙曰左傳作

執秩以正其官秩叙不正其餘皆亂

通論鄭氏伯謙曰攷之諸官小宰月終受羣吏之要
則以官府之叙宰夫掌百官府之徵令則有胥以治
叙宮伯掌王宮士庶子之政令而歲終必均其叙內

史以八枋之法詔王治而納訪必掌其叙鄉師凡邦事令作秩叙下而里宰合耦於耤亦行其秩叙蓋治衆必有叙乃不紊亂故小宰以六叙正羣吏為先

鄭氏鍔曰經言羣吏有自大夫以下言之者有自士以下言之者有總六屬之吏言之者如司會逆羣吏之治自大夫以下言之也宰夫正三公六卿大夫羣吏之位自士以下言之也大宰大計羣吏之治與此六叙正羣吏則總六屬之吏言之也蓋大宰所大計

者非一官之吏而小宰所正者凡在官府之羣吏也
一曰以叙正其位

正義王氏昭禹曰宰夫掌治朝之法以正王及三公
六卿大夫羣吏之位是也

案正貳司旅之位尊卑顯然似無所用其正而六叙
首列之宰夫正位並上及於王蓋必朝位先正而後
可以叙進其治也其中以三公兼六卿則以六官
為叙若顧命畢公之班在四毛公之班居末之類是

也他如鄉遂之吏與王朝士大夫爵同而班必異三等之國其卿大夫同而國異則其班亦異參錯不齊尤不可不正也

二曰以叙進其治

正義鄭氏康成曰治功狀也 王氏應電曰復逆白事有輕重緩急不得攙越即宰夫叙羣吏之治也

三曰以叙作其事

正義王氏應電曰各官職事有大小遲速當率作申

戒也 陳氏傅良曰以叙作其事如今日治朝諸侯
事則朝事在前其他且後今日治祭祀事便祭事在
前其他又後

案所謂作者如祭祀賓客會同軍旅田役或留治官
中之事或作以從王以叙然後勞逸均而無爭競退
諉之弊

四曰以叙制其食

正義鄭氏康成曰食祿之多少 王氏應電曰攷其

勤惰工拙為之下上其食若宮伯月終均秩是也

五曰以叙受其會

正義賈氏公彥曰會謂歲終進會計文書 王氏應

電曰即下文以官府之叙受羣吏之要贊冢宰受歲會也 王氏昭禹曰有會其財用者大宰歲終受其會及此經是也有會其治者宮正歲終則會其行事是也有會其食者宮正月終則會其稍食是也

六曰以叙聽其情

正義鄭氏康成曰情爭訟之詞 陳氏傅良曰以叙
聽其情如一人辭畢再聽一人

案情或身家之私或職業功緒有當以情白於上者
皆是

總論陳氏傅良曰六叙舊說但以尊卑言不知其中
有先後緩急 王氏應電曰朝廷莫如爵故正位為
先王視朝則聽治故進治次之事不戒則治無功故
作事次之事有繁簡則食有豐嗇故制食次之事成

則有要會當受其會事未安則有所關白當聽其情
六者並以叙正之斯無爭先越次而致有不肅者矣
以官府之六屬舉邦治

正義賈氏公彥曰官盛任使立長官必當以屬官佐
之邦治始得舉也

總論郝氏敬曰此以下六條即大宰八灋中事大宰
提其要小宰治其詳

一曰天官其屬六十掌邦治大事則從其長小事則專

達

長知丈
反下同

正義鄭氏康成曰大事從其長若庖人內外饗與膳

夫共王之食

賈疏膳夫食官之長則庖人內外饗亨人諸職有事皆來諮白膳夫

小事

則專達若宮人掌舍各為一官

賈疏宮人掌舍無大事無長官可諮自專

行事

案專達當

兼有長與無長者

千氏寶曰達決也

賈氏公彥

曰注舉天官之顯者言之也其餘若大府則治藏之

長司市則市官之長大司樂則樂官之長司甲則司

兵司戈盾之長此類甚多

李氏叔寶曰大事從其

長示有所統一而小事專達則在下者亦得以自盡其才

案天官之屬教禮政刑事五典之綱維無不統焉王畿侯國六服四裔之政令無不行焉其切於王身者獨起居游燕飲食衣服左右執御之事耳劉氏彞項氏安世乃謂天官六十皆王者所用以自治偏而不舉矣

二曰地官其屬六十掌邦教大事則從其長小事則專

達

三曰春官其屬六十掌邦禮大事則從其長小事則專達

四曰夏官其屬六十掌邦政大事則從其長小事則專達

五曰秋官其屬六十掌邦刑大事則從其長小事則專達

六曰冬官其屬六十掌邦事大事則從其長小事則專

達

正義鄭氏康成曰六官之屬三百六十象天地四時
日月星辰之度數天道備焉 王氏昭禹曰唐虞之
世其事簡故建官惟百夏商事漸繁故倍之至周則
禮樂政刑法制大備故增為三百六十不如是則事
不舉 陳氏傅良曰治官之屬六十三教官之屬七
十九禮官之屬七十一政官之屬七十刑官之屬六
十五冬官雖亡約畧相近皆曰其屬六十舉成數耳

王氏應電曰六官之下有各司之長若天官之膳夫大府各司之下有分司若膳夫之庖人內饗大府之內府外府有大事則分司承命於各司之長各司之長承命於六官之長而無敢專行其小事則各司之長專之而六卿有弗與或分司專之而其長亦弗與也蓋大事而弗從其長則政出多門小事而不專達則大臣以多事自敝下僚賢者不得盡其才不肖者得以推諉藉口二者皆非也

以官府之六職辨邦治

正義賈氏公彥曰若天官治職地官教職其職不同
邦事得有分辨 王氏與之曰制為成書則曰典待
人而行則曰職

一曰治職以平邦國以均萬民以節財用

正義賈氏公彥曰治職以平為義云節財用者亦以
制國用故也 鄭氏鍔曰六職言邦國萬民而不言
官府蓋六職本官府之職也

案萬民何以均管子曰先王使農士工商四民交能
易作終歲之利無道以相過也是以民作一而得均
此周公精意寓於九職任民之中以為富教之基本
者禮樂政刑四達而不悖皆原於此

二曰教職以安邦國以寧萬民以懷賓客

正義鄭氏康成曰懷亦安也賓客來共其委積

賈疏遺人

職三十里有宿宿有路室路室有委
五十里有市市有候館候館有積所以安之 賈

氏公彥曰萬民典曰擾職則曰寧者擾為馴馴則寧

也

三曰禮職以和邦國以諧萬民以事鬼神

正義王氏安石曰禮典禮職皆曰和邦國諧萬民者禮者體也體定則禮典之為書禮官之為職不能有所加損也

四曰政職以服邦國以正萬民以聚百物

正義王氏昭禹曰政典於邦國言平政官之屬推而行之然後有以服邦國 賈氏公彥曰服由於平服

亦平也 鄭氏康成曰聚百物者司馬主九畿職方制貢各以其所有

五曰刑職以詰邦國以糾萬民以除盜賊

詰欺一反

正義王氏安石曰刑典刑職皆曰詰邦國糾萬民者刑者例也例成也故刑典之為書刑官之為職無所加損焉

六曰事職以富邦國以養萬民以生百物

正義王氏昭禹曰事典曰生萬民生者使之蕃息也

事官之屬推而行之然後有以養萬民事職以生百物終以此知事典乃物之所以成終而成始也 易氏被曰司空之職居四民時地利故曰以生百物王氏與之曰百物雖生於土必四民各安其居地利不失其時然後生長繁殖物物皆遂

案大宰所建之六典即小宰所辨之六職六典所以治官府百官六職不覆列者以職即官府之所守也六職所謂節財用懷賓客事鬼神聚百物除盜賊生

百物皆典之所該也故於典畧之而職則詳焉治典
曰以經邦國以紀萬民職則曰以平邦國以均萬民
何也有經邦國之典奉職者守經而不失使各得其
分願則邦國所以平也有紀萬民之典奉職者循紀
而不違使各致其力庸則萬民所以均也教典曰以
安邦國以擾萬民職則曰以安邦國以寧萬民何也
邦國式於教而安無異義也上之施教曰擾故於典
言之民能服教則寧故於職言之政典曰以平邦國

以均萬民職則曰以服邦國以正萬民何也平者輯大字小而無所私故於典言之服者建威銷萌而不敢犯故於職言之均者賦役有式番代有常故於典言之正者進退有度左右有局故於職言之事典曰以富邦國以生萬民職則曰以富邦國以養萬民何也邦國承其事而富無異義也生則著其所以生之理故於典言之養則備其所以養之事故於職言之春秋二官典與職無異辭者禮有常經刑有彛叙邦

國萬民守典奉職無異義也治職平邦國均萬民與政典同辭者政典就軍旅一事而言治典則兼禮教刑政而言也六典及六職皆不及都鄙者以邦國該之所以治官府萬民者邦國都鄙之所同也

以官府之六聯合邦治

正義賈氏公彥曰六事皆聯事通職然後邦治得會合劉氏迎曰賓祭凶荒軍旅田役體大事繁用人最多故必聯事以合治王氏應電曰必合聯然後

互相補察人可遞代而事無不舉

案朝廷之有百官猶人身之有百體臂動而指隨股行而踵舉右有所事左必繼之耳有所聞目亦注之運動屈伸不假指揮而無不如意則官聯之謂也

通論葉氏時曰先王以六職辨邦治則事權不混以六聯合邦治則傳衆力以相成所以內外相維大小相統而無曠鰥也

一曰祭祀之聯事

正義鄭氏康成曰鄭司農云大祭祀大宰贊玉幣司徒奉牛牲宗伯眡滌濯涖玉鬯省牲鑊奉玉盥司馬羞魚牲司寇奉明水火此所謂官聯某謂奉豕者其司空與王氏昭禹曰大宰眡滌濯而大宗伯亦宿眡之五官共六牲而小宗伯毛六牲而頒之司尊彝掌六尊六彝之位而小宗伯辨其名物以待祭祀若此類皆祭祀之聯事

二曰賓客之聯事

正義賈氏公彥曰大朝覲會同大宰贊玉幣玉獻大

司徒令野脩道委積大宗伯為上相大司寇前王

案大

司馬帥士庶子而掌其政令亦賓客之聯事

王氏昭禹曰小宰贊裸將

而小宗伯以時將瓚裸大宗伯以賓禮親邦國而大
行人亦掌大賓之禮大客之儀大宗伯為上相而小
行人將幣為承擯宰夫掌牢禮委積膳獻飲食之陳
數而掌客亦掌牢禮餼獻飲食之陳數凡此類皆賓
客之聯事

案國語單子稱周之秩官敵國賓至司徒具徒司馬
陳芻司空視塗司寇詰姦其餘關尹門尹甸人膳宰
天官之屬也宗祀春官之屬也蓋六官皆有聯事焉
三曰喪荒之聯事

正義鄭氏衆曰大喪大宰贊贈玉含玉司徒帥六鄉
之衆庶屬其六引宗伯為上相司馬平士大夫司寇
前王 王氏應電曰司徒屬六引遂人屬六紼而宗
伯主喪禮司徒主荒政大荒則令邦國移民通財士

師治以荒辯之法小行人若國凶荒則令調委之皆喪荒之聯事

四曰軍旅之聯事

正義賈氏公彥曰六軍軍將皆命卿田役亦然大軍旅大田役司徒以旗致萬民大師司馬建大常比軍衆皆軍旅之聯事王氏應電曰大宗伯主軍禮小宗伯肆師皆在軍中

五曰田役之聯事

正義王氏昭禹曰大田役大司徒以旗致萬民鄉師
出田法以司徒之大旗致衆庶大役則帥民徒而至
小司徒會萬民之卒伍以作田役大司馬掌蒐苗獮
狩而大役則與慮事而屬其植受其要士師掌田役
之禁若此類皆田役之聯事

六曰斂弛之聯事

弛式
倚反

正義鄭氏康成曰弛謂荒政弛力役及國中貴者賢
者能者服公事者老者疾者皆舍 賈氏公彥曰大

宰掌九職九賦九貢司徒制貢小司徒令貢賦皆是
六聯不言朝覲會同賓客中無之 王氏昭禹曰
大宰掌九貢九賦而大府司會司書之類亦掌之斂
之聯事也小司徒辨征役之施舍而鄉大夫國中貴
者之類皆舍征弛之聯事也

案六聯惟斂弛事不紛然賦稅地官之事也而受法
於司書入於大府則天官亦有事焉征役之施舍亦
地官之事也而國政不及國子凡國之政事諸子存

游倅則夏官亦有事焉

凡小事皆有聯

正義賈氏公彥曰司關掌國貨之節以聯門市之類是也 王氏昭禹曰非是六者皆小事也

通論毛氏應龍曰凡六官之屬亦各與其六十屬之同官為聯如膳夫之屬庖人內外饗亨人自為聯酒正之屬酒人漿人為聯 葉氏時曰周官聯事之意不特六職也在鄉則比閭族黨州為聯在遂則鄰里

鄮鄙縣為聯司徒之安民則曰聯兄弟聯師儒朋友
惟聯而後骨理相湊脉絡相通而合天下為一家之
氣象可見矣

以官府之八成經邦治

正義賈氏公彥曰八者皆舊法成事品式依時而行
之以經紀治政也 王氏昭禹曰事為之制物為之
防終始皆備其法一成而不可易故曰經邦治司寇
萬民之獄訟以邦成弊之是也

一曰聽政役以比居

政先鄭如字今依後鄭音征比昆志反

正義賈氏公彥曰八事皆曰聽者以有爭訟也 鄭

氏康成曰政謂賦也其字或作政或作正或作征以

多言之宜從征 鄭氏衆曰役謂起徒役也比居謂

伍籍也比地為伍以伍籍發軍起役者平而無遺脫

也

賈疏即司徒職五家為比出軍則五人為伍

案征即鄉大夫職皆征之之征其有不當征而征不當舍而舍者有爭有訴則聽之者必以比居為證也

二曰聽師田以簡稽

正義鄭氏衆曰簡稽士卒兵器簿書簡猶閱也稽猶計也合也合計其士之卒伍閱其兵器為之要簿也遂人職稽其人民簡其兵器國語黃池之會吳陳其兵皆官師擁鐸拱稽賈疏吳語吳晉爭長吳人令曰伏兵甲陳士卒百人為徹行頭皆官師擁鐸拱稽稽名籍也先鄭謂計謂據名籍計之

三曰聽閭里以版圖

正義鄭氏衆曰版戶籍圖地圖也聽地訟者以版圖

決之司書職邦中之版土地之圖 賈氏公彥曰在

六鄉則二十五家為閭在六遂則二十五家為里

王氏應電曰聽閭里以版圖所謂地訟以圖正之也

四曰聽稱責以傳別

責側責反傳音附別彼列反注故書傳別作傳辨鄭大夫讀為符別

杜子春讀為傳別

正義鄭氏衆曰稱責謂貸予傳別謂券書也聽訟責者以券書決之傳傳著約束於文書別別為兩兩家各得一也 王氏安石曰傳朝士所謂地傳也責有

傳其事者若今責契立保也別朝士所謂判書也判書稱責之要也書其所予之數使責者執之書其所償之數使稱者執之以其稱責或不能一時而畢收也項氏安世曰朝士職凡有責者有判書以治則聽即此職所謂別也又曰凡屬責者以其地傳而聽其辭即此職所謂傳也傳者其人別者其書也

存疑鄭氏康成曰傳別謂為大手書於一札中字別

之

賈疏謂於券背上大作一手書字札字中央破之為二段別之

五曰聽祿位以禮命

正義王氏安石曰禮有數命有等祿位視此以制

案以位爭者或聘覲饗燕三等之國卿大夫士位各有當或軍旅田役王朝之士與鄉遂公邑都家之吏位次高下不以爵列為差以祿爭者古者祿以田邑黜陟予奪行焉前後彼此相承授久暫多寡或不能盡得其平也

存疑鄭氏康成曰禮命禮之九命之差等

六曰聽取予以書契

正義賈氏公彥曰取予若泉府職凡賒者祭祀無過旬日喪紀不過三月及旅師職春頒秋斂賒取官物後還無生利之事 王氏詳說曰泉府掌以市之征

布斂市之不售貨之滯於民者買者各從其抵都鄙從其主國人郊人從其有司然後予之此所謂取予也 鄭氏康成曰書契謂出予入受之凡要凡簿書之最目獄訟之要辭皆曰契春秋傳王叔氏不能舉

其契

賈疏裏十年傳文

黃氏度曰酒正凡有秩酒者以書

契授之則凡取予者皆有之

案宰夫八職五曰府掌官契以治藏則凡云契者皆

謂官物也

七曰聽賣買以質劑

質如字劑津私反

正義鄭氏康成曰質劑謂兩書一札同而別之

賈疏謂前

後作二券中央破之兩家各得其一皆無手書異於傅別

長曰質短曰劑

賈疏質人大市

以質小市以劑鄭注大市人民馬牛之屬用長券小市兵器珍異之屬用短券傅別質劑皆

今之券書也事異而異其名耳

案書契質劑傳別舊說皆相似而指不分明以義揆

之書契官相授受難以抵冒

泉府賒貸者與其有司辨而授之

無庸

各執其一酒正凡有秩酒者以書契授之是也

他書言右

契左契乃士庶人做而為之非周官之書契

質劑用於賣買事無久羈各

執其一可矣無庸保證若稱貸則償或不時人有存歿苟無地傳變詐必滋皆因事而為之制爾

八曰聽出入以要會

會古外反

正義賈氏公彥曰出入是官內自用物有人爭此官物則以要會簿書聽之 王氏昭禹曰出謂給以用入謂振以藏 鄭氏衆曰要會謂計最之簿書月計曰要歲計曰會宰夫職歲終則令羣吏正歲會月終則令正月要

案官府掌財用者皆有出入其有爭辨則以要會核正之取予以一物言出入以總數言

總論王氏詳說曰八成皆文書也比居簡稽版圖禮

命要會文書之用於公者也傳別質劑文書之用於私者也書契公私皆用之葉氏時曰聖人起教於微渺而防患於未然是以有書以載其法有法以待其事事來而應之以法訟起而正之以書易曰上古結繩而治後世聖人易之以書契百官以治萬民以察其八成之謂與王氏昭禹曰民生而有欲則不能無求求而無分界度量則不能無爭先王懼其有爭端也先為之法以防之有犯者以此治焉則情偽

明是非審奸者無所肆其巧愚者不至受其欺易訟卦象辭曰君子以作事謀始其先王慮患之意哉

以聽官府之六計弊羣吏之治

弊必藝反

正義鄭氏康成曰聽平治也平治官府之計有六事弊斷也賈氏公彥曰計謂計其功過多少而聽斷之

案官府上羣吏之治狀而小宰聽之斷以六計也

王氏安石謂治弊曰弊與尚書不蔽要囚春秋傳蔽

罪邢侯不合又以廉為察尤非曰聽則察在其中矣
蓋聽斷乃所以察之也

存疑王氏應電曰聽字無意義以上下之例推之當
是衍字

一曰廉善

正義鄭氏康成曰既斷以六事又以廉為本善善其
事有辭譽也 賈氏公彥曰廉者潔不濫濁也 郝
氏敬曰吏以廉為本貪墨則其餘不足觀矣善循良

也

二曰廉能

正義鄭氏康成曰能政令行也 王氏與之曰能謂能勝其任

三曰廉敬

正義鄭氏康成曰敬不解於位 王氏與之曰敬則於心不欺於事不苟

四曰廉正

正義鄭氏康成曰正行無傾邪 王氏與之曰正則
操履端方不為威惕不為勢誘

五曰廉瀟

正義鄭氏康成曰瀟守瀟不失

六曰廉辨

注杜子春云廉辨或為廉端

正義鄭氏康成曰辨臨事不惑 王氏與之曰事欲

其辨是是非非不可紊也

總論鄧氏元錫曰善德之本能德之用敬正善之則

灋辨能之施也 王氏應電曰非仁不足以長人故
善居首非才不足以興事赴功故能次之惰慢邪辟
則身不正枉灋蓄疑則事不理敬正以律已斯無悔
尤灋辨以應務乃無搖惑六者於吏治盡之矣然人
才未必皆全故以是為準而不求其備也

案聽其財用之治狀則廉與貪不能掩矣聽其職業
之治狀則善能敬正灋辨之實可差別矣

以灋掌祭祀朝覲會同賓客之戒具軍旅田役喪荒亦

如之七事者令百官府共其財用治其施舍聽其治訟

共音恭經中供字皆作共可以意求之注
七事故書為小事杜子春云當為七事

正義鄭氏康成曰灋謂其禮灋也戒具戒官有事者
所當共施舍不給役者 王氏昭禹曰戒其事所當
治者具其物所當共者 王氏與之曰七事祭祀一
也賓客二也軍旅田役喪荒五凡七也

案六聯言賓客而不言朝覲會同此言朝覲會同而
復言賓客何也賓客所該甚廣如小司徒職所謂賓

客則諸侯之聘使也王燕羣臣鄉大夫州長興賢才
皆賓客之事官之聯事細大畢舉故以賓客該之至
小宰所令不過朝覲會同之戒具其他賓客之小治
則有司共之不令於小宰故特出朝覲會同以示小
宰所令賓客之戒具獨此二者猶祭祀之戒具小宰
宰夫通掌之而大宰所掌獨祀五帝祀大神示享先
王之戒具也施舍治訟之事紛非小宰所能徧也蓋
亦令百官府治之聽之 大宰掌誓戒與具脩小宰

有戒無誓有具無脩者言戒則可以兼誓言具則可以兼脩省文也其小事則亦有不用誓與脩者

辨正魏氏了翁曰荆公謂大宰於戒具不言灋道揆之任也小宰言灋則不與道揆故也不知道即寓於灋中離而二之豈惟於經義為駢枝且汨道與灋之本義矣

案六官之典不出七事而小宰通掌之何也大宰所專掌乃王修身齊家之要進退百官之宜惟喪祭賓

客之盛禮乃左右王躬而無暇及乎其餘故七事皆
統於小宰也就一事而言之則六官之長掌其大六
官之貳掌其小而亦有兼大者則佐其長也如大祭
祀大宗伯眡滌濯省牲鑊而小宗伯亦眡滌濯省牲
鑊大喪大司徒帥六鄉之衆庶而小司徒亦帥邦役
大軍旅大司徒治徒庶之政令而小司徒亦帥衆庶
是也有於大事中專司其一節者小宗伯大祭祀逆
盥大賓客受將幣之齋小司寇祀五帝實鑊水大賓

客前王是也六官之考亦然宰夫凡禮事贊小宰比官府之具鄉師大軍旅田役正治其徒役則佐長貳也鄉師大祭祀羞牛牲大喪帥民而至肆師大祭祀大喪蒞筵几筵鬻則專司其事也有通掌其事而大小並舉者宰夫大喪小喪掌小官之戒令小行人大客則擯小客則受其幣而聽其辭之類是也其並舉小大而不稱凡何也宰夫所掌獨小官之戒令不兼大官而治事則通大喪小行人則大客小客其事各

殊不得不別白之也

凡祭祀贊玉幣爵之事裸將之事

裸古亂反

正義鄭氏康成曰將送也裸送送裸謂贊王酌鬱鬯

以獻尸裸之言灌也明不為飲主以祭祀

賈疏朝踐以後尸乃

飲二裸為奠不飲

唯宗廟人道有裸天地至尊不裸

賈疏據大宰祀

五帝及大神

凡鬱鬯受祭之啐之奠之

賈疏謂王以圭瓚酌鬱鬯

獻尸后亦以璋瓚酌鬱鬯獻尸尸皆受以灌地降神是為祭之啐之謂入口乃奠之於地

賈氏

公彥曰天地雖不裸亦有秬鬯大宗伯祀大神祭大

元泣王鬯表記天子親耕粢盛秬鬯以事上帝是也
用鬱裸者唯宗廟及賓客耳 鄭氏鍔曰大宰所贊
者祀五帝祀大神元享先王之玉幣爵也小宰則凡
祭祀皆贊之

案裸將乃小宰通贊知然者大祭祀宗伯泣王鬯省
具以示虔也凡祭祀小宗伯將瓚裸奉器以待用也
他職無及裸事者則贊王裸者唯小宰明矣

凡賓客贊裸凡受爵之事凡受幣之事

正義賈氏公彥曰贊裸謂諸侯來朝朝享既畢王禮之上公再裸而酢之等是也受爵謂諸侯酢王王受之受幣謂廟中行三享時之幣璧以帛琮以錦之等是也 王氏昭禹曰大饗不入牲其他皆如祭祀故亦用裸

案曰凡賓客者大朝覲會同則受爵與幣皆冢宰贊也不曰小賓客者以贊裸兼大賓客又冢宰有故則大賓客之爵與幣亦得攝贊故以凡賓客該之 王

或不躬祭大宰大宗伯攝明著於經而無六卿有故使人攝位之文蓋二卿既攝王祭則所共祀事必各以其貳攝之以六卿各有事無相攝之道也故小司徒小宗伯小司寇所掌皆獨言小祭祀小賓客而小宰職則曰凡祭祀凡賓客明冢宰攝王或自有喪疾則小宰有時而兼攝也舉例於小宰則五官之貳皆得以攝其正可知矣小宗伯職既曰小祭祀掌事如大宗伯之禮又曰凡小禮掌事如大宗伯之儀則不

獨祭祀為然可知矣肆師職凡國之大事治其禮儀以佐宗伯凡國之小事治其禮儀而掌其事如宗伯之禮又以明正貳之事惟攷得攝官屬中雖有位尊於攷而並於貳者各有專司不得舍其職事而相代也祭祀喪紀大宗伯或攝王或攝后小宗伯二人設並有事故則大宗伯之事亦不得不以肆師攝矣故特舉以見例明五官皆然五官之攷皆下大夫四人正以並攝正貳猶有自共其職者

存疑鄭氏康成曰唯裸助宗伯其餘皆助大宰王不

酌賓客而有受酢

賈疏案燕禮使宰夫為主人是君不酌臣天子於諸侯亦然受酢是

飲酒之事臣不可代君飲酒故有受酢之事

大宗伯職大賓客則攝而載

裸

案下經云贊冢宰受歲會此不云贊冢宰則贊王可知大宗伯之攝而載裸攝后亞裸也王不親酌小宰酌以授王是為贊裸大宰之贊玉爵也亦然

喪荒受其含祔幣玉之事

祔音遂

正義鄭氏康成曰春秋傳口實曰含衣服曰襚凶荒

有幣王者賓客所賙委之禮

賈疏小行人職若國凶荒則令賙委之彼謂王

家賙委諸侯此謂諸侯賙委王家也魏氏校曰凶荒之幣玉賓客所助以禮神詩曰圭璧既卒寧莫我

聽

賈氏公彥曰含襚幣玉上大宰不言則小宰專

受之

通論賈氏公彥曰案少儀臣致襚於君曰致廢衣於

賈人則諸侯臣皆得致含襚也含襚所用死時既殯亦有致之者雜記殯後諸侯遣使致含襚賵之禮

主人受之

月終則以官府之叙受羣吏之要贊冢宰受歲會

正義鄭氏康成曰主每月之小計 賈氏公彥曰月

計曰要每月終使官府致其簿書之要受之當先尊
後卑故言叙歲計曰會謂助冢宰受一歲之計

通論毛氏應龍曰小宰宰夫職並以專達者居前從
長者居後如宮刑所專典式所從月要所專歲會所
從

歲終則令羣吏致事

正義鄭氏康成曰使盡齋歲盡文書來若今上計

賈疏

漢之朝集使謂之上計吏

賈氏公彥曰六官各致一年功狀以

待考也 王氏昭禹曰月令日窮於次月窮於紀星

回於天數將幾終歲且更始天子與公卿大夫共飭
國典論時令以待來歲之宜故小宰令羣吏致事而
大宰聽之

正歲帥治官之屬而觀治象之灋徇以木鐸曰不用灋

者國有常刑

正義鄭氏康成曰正歲謂夏之正月

賈疏知正歲是夏之正月者凌

人職正歲十有二月令斬冰若周正冰未堅不得斬之

得四時之正以出教令

者審也古者將有新令必奮木鐸以警衆使明聽也

木鐸木舌也文事奮木鐸武事奮金鐸

賈疏鐸皆以金為之以木

為舌曰木鐸以金為舌曰金鐸文事奮木鐸此文及檀弓振木鐸於朝是也武事奮金鐸鼓人職金鐸通

鼓大司馬職兩司馬振鐸是也

易氏被曰建子為時王之正月示

萬民以更新之意故大宰縣治象於月吉而後斂於

挾日建寅為民時之正歲吏治於是乎始故小宰帥
治官之屬觀治象於已斂之後以治官之屬觀治象
之灋不拘乎縣治象之時也 王氏昭禹曰縣以治
象使有目者皆覩徇以木鐸使有耳者皆聞

案冢宰縣治象之灋于正月歲將終民方無事也小
宰帥羣吏觀治象之灋于正歲歲更始吏將有事也
疏據此謂縣治象亦以正歲誤矣吏觀灋於官府不
必於縣之日小司徒正歲令羣吏考灋于司徒以退

各憲之于其所治則吏觀灋于官府明矣

通論張氏曰七月之詩言月皆夏時而以周正為一
之日可見兼用之灋蓋周人雖以天統改正月建子
而以夏數得天故未嘗廢

案諸官以歲時序事者皆先言正月次言歲終末言
正歲詩曰二之日鑿冰冲冲春秋傳日在北陸而藏
冰與凌人職正歲十有二月令斬冰合則正歲為夏
正而非建子之月無疑矣

乃退以宮刑憲禁于王宮令于百官府曰各脩乃職攷
乃灋待乃事以聽王命其有不共則國有大刑

正義鄭氏康成曰憲謂表縣之若今新有灋令云乃
猶女也 賈氏公彥曰凡刑禁皆出秋官小宰得秋

官刑禁文書表而縣之於宮內也憲禁與布憲義同
王氏昭禹曰百官府乃治事於王宮者既憲禁於
王宮又明為告令使皆知之大刑非特常刑也宮禁
宜嚴今律宮殿中所坐比常法有加亦此意

案宮禁之灋掌於士師小宰以其灋治之而有入於
五刑者則必仍歸於士故疏云小宰得秋官文書而
表縣之 六典八灋八則九貢九賦九式小宰皆執
其貳以佐冢宰而八柄八統九職九兩不與焉所專
掌則邦之宮刑六叙六屬六職六聯八成六計七事
之灋也盖八柄八統九職九兩所以持政教之樞紐
盡萬物之性命正天下之統紀乃天子之事而冢宰
贊焉者也邦之宮刑六叙六屬六職六聯八成六計

七事之灋則冢宰所統而未暇詳焉者也以小宰而
上叅四者則體不順以冢宰而下與八者則日有不
暇給矣

宰夫之職掌治朝之灋以正王及三公六卿大夫羣吏
之位掌其禁令

朝直違反
後皆同

正義鄭氏康成曰治朝在路門外其位司士掌焉宰

夫察其不如儀

賈疏經云禁令故
知察其不如儀

賈氏公彥曰此

羣吏謂羣士也

辨正易氏祓曰天子三朝曰燕朝曰治朝曰外朝五
門曰臯門曰庫門曰雉門曰應門曰路門書以路門
為畢門師氏以路門為虎門路門內外皆王視朝之
地也先鄭謂治朝在路門之內外朝在路門之外後
鄭不從者蓋治朝若在路門之內則置燕朝於何所
外朝在路門之外則置治朝於何所今考太僕職王
眡燕朝則正位而曰建路鼓於大寢之門外則寢門
即路門也知路門內為燕朝則路門外為治朝可知

矣王眡治朝大宰贊聽治故宰夫掌其灋以正朝位之儀

叙羣吏之治以待賓客之令諸臣之復萬民之逆

正義鄭氏康成曰恒次叙諸吏之職事三者之來則應使辨理之復之言報也反也反報於王自下而上曰逆逆謂上書李氏叔寶曰上有所令而下有所言則謂之復上無所令而下有所言則謂之逆王氏昭禹曰諸臣非無逆也以出納者臣之事故以復

言萬民非無復也其無所詢而有言則謂之逆

案治有以功狀言者小宰以叙進其治以六計弊羣吏之治是也有以職業言者宰夫叙羣吏之治考百官府羣都縣鄙之治是也蓋職業者所當治之事功狀者所已治之迹故通以治言之先鄭謂宰夫主諸臣萬民之復逆疏謂宰夫恒次叙大僕小臣御僕等使辨理此復逆之事皆非也宰夫所叙者羣吏之職事耳諸臣萬民之復逆王與冢宰聽斷之其事施行

必下於羣吏故叙羣吏之治以待之其文與賓客之
令相次則謂羣吏待其事而非宰夫主辨次叙復逆
之事可知矣 諸臣舉復萬民舉逆互文也又諸臣
復多逆少萬民復少逆多故各以多者言之

掌百官府之徵令辨其八職

正義鄭氏康成曰別異諸官之八職以備王之徵召
所為 王氏應電曰王有徵召命令於百官府皆宰
夫辨而施之或下於其正貳或下於其司旅也

案徵召其人也令使承其事也司書逆羣吏之徵令則所徵於民之財賄所令於民之役事 八職與六屬六職事相類而別掌於宰夫何也屬有定數職有經事所謂掌官成以治凡也於每職中別異其事以分屬其入所謂掌官法以治目也且八職下逮羣吏又小宰所不暇詳也

一曰正掌官灋以治要

正義鄭氏康成曰正於治官則冢宰也 王氏昭禹

曰即大宰職所謂建其正也 毛氏應龍曰要者事
之綱領其總會處也

二曰師掌官成以治凡

正義王氏昭禹曰若小宰小司徒即大宰職所謂立
其貳也 項氏安世曰要者總歸於一凡者分總衆
條

三曰司掌官灋以治目

正義王氏昭禹曰若宰夫鄉師即大宰職所謂設其

考也 項氏安世曰目者自凡而條分之如網之有目也

存疑鄭氏康成曰師小宰宰夫也司上士中士案三等之士可以不分而貳與攷不可以混從王氏為安

四曰旅掌官常以治數

正義王氏昭禹曰旅衆也謂六官之士序官獨於下士言旅此則合上士中士而言之即大宰職所謂陳

其殷者也 項氏安世曰常者職事之故常 鄭氏

康成曰治數每事多少異也

案正與司同曰官灋者灋之定則正下於司以布之
灋之行則司報於正以質之無二灋也師則掌已成
之科條所以佐正之不逮而分其任也旅則舉其常
數而已

五曰府掌官契以治藏

藏才浪反

正義鄭氏康成曰治藏藏文書及器物 王氏昭禹

曰府主蓄藏必有要書以為驗故掌官契

六曰史掌官書以贊治

正義鄭氏康成曰贊治若今起文書草也 王氏昭

禹曰事必載之以書史掌書故曰贊治

七曰胥掌官叙以治叙

正義鄭氏康成曰治叙次序官中如今侍曹伍伯傳

吏朝也

賈疏胥有才智為什長當次序官中之事及徒之應驅役者漢時五人為伍其長為伯傳

官吏事務於朝胥為什長亦然

朱氏申曰叙謂事應治之先後

八曰徒掌官令以徵令

正義鄭氏康成曰徵令趨走給招呼 王氏昭禹曰

府史胥徒大宰職所謂置其輔者也

掌治灋以攷百官府羣都縣鄙之治乘其財用之出入

凡失財用物辟名者以官刑詔冢宰而誅之其足用長

財善物者賞之

辟旁孟反又弼
肆反長知丈反

正義鄭氏康成曰羣都諸采邑也六遂五百家為鄙

五鄙為縣言縣鄙而六鄉州黨亦存焉

賈疏舉外
以邑內也

乘

猶計也

賈疏算法乘除之名出此

辟名詐為文書以空作見文書

與實不相應也官刑在司寇五刑第四者

賈疏司寇掌五刑其

四曰官刑尚能糾職

鄭氏鍔曰六官皆有考各得以考其屬

惟天官之考又以考百官府羣都縣鄙之治與五官之考異矣冢宰制國用故宰夫乘財用以核其實而防抵冒因以課吏治焉 王氏安石曰不言以灋而言掌治灋者宰夫所考其事則五官之事其灋則治官之灋五官所自考則弗預也欲知其總數則宜會

欲知其別數則宜乘失其所藏之財賄謂之失財非
所當用而用之謂之失用所失之物非貨賄謂之失
物 何氏喬新曰足用所用無乏長財所藏有餘善
物物無虧損 李氏叔寶曰財之虧者有誅裕者有
賞則吏急於規君之賞者毋乃灋外剝民如後世所
謂羨餘之進乎不知賦民自有定制成周之世安得
灋外恣取所謂長財者不過調度有方則財常充裕
耳

案此即所謂掌官灋以治目者也八職通言六官此則天官之職故指其事以言之羣都亦謂公邑也官刑詔誅輕者訶責之重而麗於五刑者亦入于士長財財不虧折則長矣非多收少給入重出輕以圖盈也善物物不朽蠹則善矣非求索珍異務取奇巧以爲美也長財善物而又依式用之則用自足矣

通論王氏昭禹曰制治者灋也行灋者吏也吏有明昧勤怠則治有善否非立灋以考之無由而得其實

大宰出灋以治之者也小宰守灋以逆之者也宰夫
循灋以考之者也劉氏彝曰宰夫乘財用之出入
以官刑詔冢宰誅賞司會以參伍攷日成以月要攷
月成以歲會攷歲成以周知四國之治以詔王及冢
宰廢置然則失財用物辟名者宰夫亦據司會所勾
考而得之

以式灋掌祭祀之戒具與其薦羞從大宰而眡滌濯

正義鄭氏康成曰薦脯醢也羞庶羞內羞

賈疏儀禮鄉飲酒鄉

射燕禮凡單言薦者皆脯醢也庶羞謂天子八豆諸侯六豆之類內羞少牢所謂房中之羞糗餌粉養是也謂尸食後所加

賈氏公彥曰薦羞亦謂戒具之

案小宰以灋掌祭祀之戒具而宰夫復以式灋掌之者小宰所令特物所當共耳宰夫則並詳其所用之多寡故曰式灋

通論孫氏之宏曰大宰出式灋者也小宰宰夫執式灋者也大府以式灋頒財職歲酌劑而後有司受之既用財後大宰受歲會小宰又以式灋贊之宰夫乘

其出入職幣又以式灋斂其餘焉易曰節以制度其斯之謂與

凡禮事贊小宰比官府之具

比必里反
戚毗志反

正義鄭氏康成曰比較次也

賈氏公彥曰小宰於

七事已言以灋掌戒具宰夫又贊小宰校次之使知善惡是否也

案凡禮事即小宰職祭祀朝覲會同賓客軍旅田役喪荒之事也其具小宰以灋掌之宰夫則贊而比之

此七事所同也上節專言祭祀則先特舉其重者耳

凡朝覲會同賓客以牢禮之灋掌其牢禮委積膳獻飲

食賓賜之飧牽與其陳數

委於偽反積子賜反此二字相連皆同食音嗣飧音孫一

本作賓賜
掌其飧牽

正義鄭氏康成曰牢禮之灋多少之差及其時也

賈疏

大行人職上公饗餼九牢饗禮九獻食禮九舉侯伯以七為節子男以五為節掌客職上公飧五牢五積侯伯飧四牢四積子男飧三牢三積是其數之差也聘禮賓至大夫帥至於館宰夫朝服設飧又云聘日致饗即天子待諸侯亦然其委積從來至去在道設之各有時凡此皆掌客所主其灋掌於宰夫故當知

其數

三牲牛羊豕具為一牢

賈疏聘禮卿韋弁歸饗餼於館有五牢鉗一牢

設於西階腥二牢設於東階牽二牢陳於門內之西北首以牛一羊一豕一稱牢

委積謂牢

米薪芻給賓客道用也

賈疏遣人職十里有飲食三十里有委五十里有積是委

積給賓客道用也掌客職積視飧牽食有牢米薪芻明委積亦有牢米薪芻也

膳獻禽羞倣

獻也

賈疏此聘禮記文禽羞謂成熟有齊和者倣始也倣獻四時珍羹新物也聘義謂之時賜

飲

食燕饗也

賈疏不言食者經中言食有食禮自明

飧客始至所致禮

賈疏

聘禮客至大夫帥至于館宰夫朝服設飧

凡此禮陳數存可見者唯有行

人掌客及聘禮公食大夫

鄭氏眾曰春秋傳飧有

陪鼎

賈疏昭五年楚遂啟疆辭

牽牲牢可牽而行者春秋傳餼牽

竭矣

賈疏僖三十三年鄭皇武子辭

王氏安石曰賓賜王所好賜

也

王氏應電曰謂中間加賜

鄭氏鏐曰掌客職簋十有二牲三

十有六皆陳米百有二十筥醯醢百有二十壘皆陳
所謂陳數也

辨正賈氏公彥曰先鄭以飧為夕食案聘禮客始至
大夫帥至於館宰夫朝服設飧不待夕也故後鄭不
從

案古人朝食豐而夕食儉夕食祇餽朝食之餘故飧字從夕禮所云致飧者若曰僅可供夕食云爾

凡邦之弔事掌其戒令與其幣器財用凡所共者

正義鄭氏康成曰弔事弔諸侯諸臣幣所用賻也

賈疏

公羊傳口實曰含車馬曰賵衣服曰器所致明器也

賵幣不入含祵賵中故知是賻也
賈疏既夕禮若就器則坐奠於陳檀弓竹不成用瓦不成味木不成斲之類乃主人之明器若賓客所致則謂之就器就成
也就器亦明器也
凡喪始死弔而含祵葬而賵贈其

間加恩厚則有賻焉

大喪小喪掌小官之戒令帥執事而治之三公六卿之喪與執喪帥官有司而治之凡諸大夫之喪使其旅帥有司而治之

正義鄭氏康成曰大喪王及后世子也小喪大夫以

下小官士也其大官則冢宰掌其戒令

賈疏冢宰職不言者文不

具治謂共辨旅下士

賈氏公彥曰官有司公士之

有事於喪家者

案此云掌小官之戒令明大官之戒令宰夫不得而

掌之故康成屬之大宰也蓋自小宰以及五卿凡有
泣事於大喪者戒令統於冢宰矣官有司與特牲禮
之公有司一也職喪亦曰公有司在士喪禮則三祝
及讀贈之史筮宅卜日之史皆是蓋喪祭二禮所需
人多私家之臣不足以共故官有司為治之而又有
帥之者以臣下之禮為朝廷之禮古如是也下有司
亦官有司不言官者因於上耳若私臣則不煩使旅
帥之矣

歲終則令羣吏正歲會月終則令正月要旬終則令正
日成而以攷其治治不以時舉者以告而誅之

正義鄭氏康成曰歲終周季冬也正猶定也旬十日
也治不時舉者謂違時令失期會 賈氏公彥曰日
計曰成以告而誅之謂告冢宰而誅責之也 王氏
安石曰以告而誅之不待三歲大計

正歲則以灋警戒羣吏令脩宮中之職事書其能者與
其良者而以告于上

正義鄭氏康成曰警敕戒之言良猶善也上謂小宰

大宰

賈疏知上為小宰大宰者以歲始未是賞時且必由其長告於王

林氏之奇

曰稽功緒則有能者糾德行則有良者王氏應電曰能謂舉其職者必書而告使有實跡可稽

通論王氏安石曰宮正稽其功緒糾其德行歲終會其行事然後宰夫得以攷其會而正歲書其能者良者以告於上



欽定周官義疏卷三

欽定四庫全書

覆校官庶吉士臣茅元銘

校對官編修臣李光雲

謄錄監生臣趙存與

欽定四庫全書薈要

經部

欽定周官義疏卷四

詳校官編修臣程嘉謀



欽定四庫全書薈要卷二千三百六十七

經部

欽定周官義疏卷四

天官冢宰第一之四

掌王宮之戒令糾禁

義賈氏公彥曰已發則糾之未發則禁之王氏

安石曰戒戒其怠忽糾糾其過惡令使之有為禁使
之勿為王氏昭禹曰宿衛不嚴無以備非常左右
不正無以謹薰習故先王擇人以為宮正而嚴其制

則在宮中者無非公忠之士而非僻之心無自而啓
姦宄之變無自而作

案此職所掌令與糾禁與小宰同而不言政蓋政惟
小宰治之宮正則承所布之政而親為戒令糾禁焉
耳宰夫總為警戒所謂掌官灋以治目也宮正條分
而縷析焉所謂掌官常以治數也而小宰掌官成以
治凡亦於此可驗焉王宮之羣吏士庶子宮正稽其
功緒糾其德行宰夫書其能者良者其稍食宮伯均

之宮正申之然後以達於小宰小宰特受其成耳所謂凡者辨其人為一類會其用為一類上下其祿秩為一類凡百官府之考課皆有此三類而祭祀賓客七事又各為一類於小宰則為治其凡於諸職諸事則為執其總也

以時比宮中之官府次舍之衆寡為之版以待

比必里反下同

舍試
夜反

正義鄭氏康成曰比較次其人之在否官府之在宮

中者若膳夫王府內宰內史之屬次諸吏直宿若今
部署諸廬者舍其所居寺版其人之名籍待待戒令
及比也 賈氏公彥曰謂以時校比官府在宮中者
及宿衛者次舍之衆寡也次若匠人記外有九室九
卿治之舍其退息之處 劉氏彛曰次謂八次舍謂
八舍 朱子曰宮正宮伯所率之屬只是在北宮之
外不是入宮皆官吏及公卿王族之子弟不是兵卒
辨正鄭氏鍔曰注謂時四時也然宿衛欲嚴頃刻不

可無禁安得四時始一校比當與時禁同義 陳氏
汲曰胡五峯以宮中有官府次舍又有民人非所以
別內外不知宮正所掌者典婦功典絲枲染人屨人
等官皆士人也各有官廬官署所謂民即其徒隸雖
在宮中各有分限漢郎吏舍衛士廬周匝殿內豈謂
與宮嬪雜處耶

夕擊柝而比之國有故則令宿其比亦如之

柝他
郝反

正義鄭氏康成曰夕暮也行夜以比直宿者為其有

解情離部署鄭司農云柝戒守者所擊也易重門擊

柝以待暴客春秋傳魯擊柝聞於邾

賈疏哀七年傳

故謂禍

災令宿衛王宮春秋傳忘守必危況有災乎

賈疏昭十八年

子產辭

某謂有故凡非常也文王世子公有出疆之政

庶子以公族之無事者守于公宮此謂諸侯也夏官
諸子職國有大事則帥國子而致于天子惟所用之
令宿之事蓋亦存焉

案平時當直者番代有故則盡入宿衛

辨外內而時禁稽其功緒糾其德行幾其出入均其稍

食去其淫怠與其奇衰之民

行下孟反稍所孝反下同去起呂反幾同譏吉衣反

奇音羈居宜反徐去宜反衰似嗟反亦作邪

正義鄭氏衆曰分別外人內人禁其非時出入

賈疏此以

地為外內非內宰所云內人

鄭氏康成曰稽猶考也計也功吏

職也緒其志業幾其出入謂幾呵其衣服持操及疏

數者稍食祿稟民宮中吏之家人也淫放濫也怠解

慢也奇衰譎觚非常

賈疏兵書有譎觚之人謂譎詐桀出觚角非常也

王

氏昭禹曰王宮之官府與夫次舍之人有在外者有
在內者當分辨其職所當守法所得至不相混也時
禁則時其出入啟閉之禁興事造業謂之功功事有
倫謂之緒功緒有多寡故稽之德行有邪正故糾之
均其稍食謂平頒之也 鄭氏鍔曰已成者謂之功
功未成而已有端者謂之緒 王氏與之曰宮正所
幾乃宮中之羣吏非閤人所幾於中門之禁也 賈
氏公彥曰稍食謂稍稍與之月俸是也

案既辨外內而禁其非時出入其出入者又必幾之
曰奇衰者政教之行人皆良正有獨為衰惡者則奇
單而無與為偶也 稍食見於宮正內宰廩人三職
蓋宮正內宰頒之而廩人給之也宮正所會以給士
庶子及宮中羣吏之府史胥徒者內宰所會以給內
人及奄奚女工者以其俱在宮中貴賤同受米於廩
人故不曰祿而曰稍食若六官屬士即未得受田亦
宜受穀粟於司祿故別異之

會其什伍而教之道藝

會如字

正義鄭氏康成曰五人為伍二伍為什會之者使之

輩作輩學相勸帥且寄宿衛之令

賈疏會合之者使宿衛時語言相體

容服相識是輩作也及其學問又相觀而善切磋琢磨是輩學也皆為相勸帥

鄭氏衆曰

道謂先王所以教道民者藝謂禮樂射御書數

月終則會其稍食歲終則會其行事

會古外反下凡不音者並同

正義鄭氏康成曰行事吏職也

案官府羣吏所居次舍士庶子宿衛者所居也自辨

外內而時禁至去其淫怠與其奇袤之民謂羣吏也以執事於宮中故辨外內而幾其出入以有職守故稽其功緒以有徒隸故去其淫怠奇袤之民會其什伍教之道藝謂士庶子也以羣萃於周廬故會其什伍以職惟守衛故教之道藝月終會其稍食歲終會其行事則羣吏士庶子之所同也均其稍食者時其事之煩簡勞逸而上下之也會其稍食者總而計之也於士庶子不言均其稍食者月終則均秩宮伯職

見之矣

通論易氏祓曰稍食會於月終則小宰受其要行事
會於歲終則冢宰受其會

凡邦之大事令于王宮之官府次舍無去守而聽政令
正義鄭氏康成曰使居其處待所為 賈氏公彥曰

國之大事在祀與戎

郝氏敬曰此
宜兼大喪

春秋以木鐸脩火禁

正義鄭氏康成曰火星以春出以秋入

賈疏火星心
星也左傳謂

之大辰魯梓慎曰火出于夏為三月于商為四月于周為五月故云以春出季秋昏時伏于戌火星入故云以因天時以戒賈疏此火謂陶冶鑄銅之火因天秋入出火民則為之因天入火民則休之故云因天時以戒也

賈氏公彥曰宮中特宜慎火故脩火

禁火禁謂用火之處及備風燥也司烜職中春以木鐸脩火禁于國中注為季春將出火也是二月預脩

之三月申其禁耳

王氏昭禹曰據司烜職則春秋謂季春季秋

易氏祓

曰司烜中春以木鐸脩火禁于國中而不及中秋之火禁至王宮則春秋皆修之以王宮為特重也

案修火禁則凡救火禦災之器具亦存焉以春秋者及閒暇而豫備之修謂申明疏謂陶冶鑄銅之火以左氏所言與此異也陶冶鑄銅之火春作秋休未詳其說

凡邦之事蹕宮中廟中則執燭

蹕音畢徐音痹蹕連下宮中廟中為句

正義鄭氏康成曰事祭事也隸僕掌蹕止行者宮正則執燭以為明

辨正賈氏公彥曰宮正不掌蹕事先鄭讀禁凡邦之

事蹕句似宮正為王蹕非也。隸僕蹕宮中亦得兼廟中。王氏安石曰：鄭氏謂事為祭事，未安。曰：凡邦之事，何特祭祀乎？執燭亦然。

案云：蹕宮中廟中，則由宮而入廟，由廟而返於宮及出入往來於宮皆是也。祭祀而外，如朝覲饗大射俱宜有之。宮正於隸僕蹕時，則執燭蓋於其昏早也。師氏使其屬帥隸守王之門外，且蹕。康成謂祭社稷五祀於宮中，祭先王先公於廟中，亦未安。建國之神位

右社稷左宗廟皆在宮中雉門之外不得以宮廟分
大喪則授廬舍辨其親疏貴賤之居

正義鄭氏康成曰廬倚廬也舍堊室也

賈疏廬謂於路門外東壁

倚木為廬舍堊室兩下為之與廬異也

親者貴者居倚廬疏者賤者居

堊室

賈疏親謂大功以上貴謂大夫以上疏謂小功總麻賤謂士

雜記大夫居廬

士居堊室

宮伯掌王宮之士庶子凡在版者

正義王氏安石曰士衛士也庶子國子之倖未為士

者也士庶子非王族則功臣之世賢者之類王以自
近而衛焉故君臣國家安危一體休戚一心上下親
而內外察也 易氏被曰宮正以時比宮中之官府
次舍之衆寡則若官若民若士庶子咸在焉宮伯則
掌在版之士庶子而已

案夏官司士掌羣臣之版羣臣即士也諸子掌國子
之倅則未為士而將升為士者也此王宮之士亦司
士所掌庶子亦諸子所掌但司士諸子所掌者廣而

宮伯則專掌王宮之在版者耳

餘論呂氏祖謙曰古者執戈戟以宿衛王宮皆士大夫職之無事而奉燕私則從容養德有承弼之益有事而司禦侮則堅明守義無腹心之虞下至秦漢階楯執戟尚餘一二此制既廢人主接士大夫者僅有視朝數刻而周廬陞楯或環以椎埋嚙悍之徒有志於復古者當深繹也

掌其政令行其秩叙作其徒役之事

正義鄭氏康成曰秩祿稟也叙才等也作徒役之事
天子所用 鄭氏鍔曰秩如常膳常酒之類所得之
常賜也叙如下士中士之類所當遷之等級也

案政令如更番輪直上班下班之類秩叙如資格歲
月孰先孰後之類作其徒役之事與宮正會其什伍
教之道藝相聯作謂整頓興起之必作其徒役斯無
事可以衛王宮有事則諸子帥而致於天子也

通論鄭氏鍔曰宮伯與里宰皆言行其秩叙里宰之

秩叙所以勸農夫此則以勵士庶子之宿衛必有叙而後人自知勉

授八次八舍之職事

正義鄭氏康成曰衛王宮者必居四角四中於徼候便也次其宿衛所在舍其休沐之處 王氏昭禹曰宮正以時比次舍之衆寡而未嘗言授之職事以授之職事者宮伯也宮正則比其名數而已

若邦有大事作宮衆則令之

正義鄭氏康成曰謂王宮之士庶子於邦有大事或
選當行 賈氏公彥曰事謂寇戎之事作起也 王
氏昭禹曰諸子國有大事則帥國子而致于太子惟
所用之又曰若有甲兵之事則授之車甲合其卒伍
置其有司以軍灋治之乃此職所令也

案注謂選當行則或遠或近惟所使也如掌固之頒
其士庶子者亦存焉諸子既帥而致於太子太子有
所用之則宮伯令之也

通論王氏昭禹曰國子在學則隸於大司樂在宮則隸於宮伯在軍則隸於諸子

案庶子宿衛于王宮其常職也國策趙左師觸龍言曰補黑衣之數以衛王宮有事而隸于諸子偶然耳事已則仍宿衛其肄於大司樂而致於大胥教於師氏保氏者國子也國子蓋卿大夫士之適子或庶子之俊秀者

月終則均秩歲終則均叙

正義王氏安石曰秩酒秩膳之類日月有焉故月終則均之勞逸劇易之叙宜以歲時更焉故歲終則均之王氏應電曰秩謂祿之多寡一事而功有勤惰則為之上下其食叙謂位之等級一官而才有優絀則為之先後其次月終均秩則祿有不同故宫正因而會其稍食歲終均叙則能有不同故宫正因而會其行事此即所謂行其秩叙

案月終均秩宮正即據之以會稍食歲終均叙即據

之以會行事而冢宰亦以是廢置焉三歲大計亦以是誅賞焉五官所以考其屬者皆可以是以推之

以時頒其衣裘掌其誅賞

正義鄭氏康成曰頒讀為班布也衣裘若今賦冬夏

衣

賈疏夏頒衣冬頒裘

案宮正兼掌羣吏士庶子故曰官府次舍統宮內之直廬也宮伯掌士庶子之宿衛者故曰八次八舍獨宮外之周廬也獨宮伯有授職事之文者諸子本無

爵位故以宿衛之職事授之若宮中之官府各有常職無俟於授故宮正第稽其功緒也宮正不行誅賞者羣吏之誅賞則冢宰詔之士庶子之誅賞則宮伯行之而宮正所謂會其行事者正冢宰誅賞之所憑也宮伯專行誅賞者士庶子無官守其為誅賞也微必以達於冢宰則煩且瀆矣古所謂誅多以譴訶責讓而言記曰齒路馬有誅春秋傳誅屨于徒人費是也

總論陳氏傳良曰環衛有二等一是公卿大夫之子弟分置八隅宮伯領之其職云掌王宮之士庶子是也一是官府凡在宮庭諸徒役錯置於士庶子八次八舍之間周列環衛周於王宮宮正領之其職云掌王宮之戒令糾禁比宮中之官府是也二者皆總於冢宰至人主切身侍御僕從則掌於大僕

膳夫掌王之食飲膳羞以養王及后世子

膳市演反
食音嗣

正義鄭氏康成曰食飯也飲酒漿也膳牲肉也羞有

滋味者凡養之具大畧有四 賈氏公彥曰食飲膳羞即下文所陳是也此舉其大者珍醬乃饋之小者故畧而不言 毛氏應龍曰食以養陰飲以養陽善牲肉以饌為膳致滋味以進為羞

案先舉王之食飲膳羞而後言養王及后世子則知后世子之膳羞皆在王所舉之牢之內矣

凡王之饋食用六穀膳用六牲飲用六清羞用百有二十品珍用八物醬用百有二十饗

食音嗣

正義鄭氏康成曰進物於尊者曰饋

賈疏據此文云饋又特牲少牢

皆云

六牲馬牛羊豕犬雞也

賈疏此據爾雅

羞出於牲及禽

獸以備滋味謂之庶羞公食大夫禮內則下大夫十

六豆上大夫二十豆

賈疏案公食大夫禮下大夫十豆從腳臙臙已下皆出於牲

上大夫加以雉兔鶉鴛則出於禽獸也

其物數備焉天子諸侯有其數

而物未得盡也

賈疏此經云百有二十是天子有其數也掌客職上公食四十侯伯三十

二子男二十四是諸侯有其數也天子諸侯皆從上大夫二十豆上加之內則牛脩及爵鷄蜩范芝栢已

下三十一物注云皆人君燕食所加庶羞也

珍謂淳熬淳母炮豚炮牂擣

珍漬熬肝腎也

賈疏八珍竝見內則又有糝與
餉乃羞豆之實非珍故不取

醬謂

醯醢也王舉則醢人共醢六十甕以五齋七醢七菹

三齋實之醢人共齋菹醢物六十甕 鄭氏衆曰六

穀稌黍稷梁麥苽

賈疏此據食醬

苽彫胡也

賈疏南方有苽米

六清

水漿醴醕醫酏

賈疏此據醬入

王氏應電曰物性各得陰

陽之氣於人身必有所益備物致味所以助王精氣

而益其聰明非但為肥甘之適於口也然此特總言

饋食之物有是數而已觀月令孟春食麥與羊之類

則四時錯共非必一日盡共之也正如記稱四海九州之物皆以備孝饗而籩人醢人止於四籩四豆之實可以類推矣

案王安石謂人主當享備物以康成注此經辭不別白而康成之誤則因醢人職王舉則共醢六十壺醢人職王舉則共醢物六十壺遂謂王日一舉備用此數不知醢醢二職所共者共於內饗內饗則選之實於豆以俟饋內饗職選百羞醬物珍物以俟饋是也

則雖日有百二十饗之醬而饋於王前者固有數矣
公食上大夫豆八庶羞二十等而上之大畧可推也
蓋其之數多饋之數少則未饋者尚在無須日日共
之唯腳臙臙哉日易以鮮耳在禮王與后同庖日中
而餽不敢暴天物也乃日盡百二十品之羞罄百二
十饗之醢與醢物乎

王日一舉鼎十有二物皆有俎

正義鄭氏康成曰殺牲盛饌曰舉王日一舉則朝食

也賈疏案玉藻皮弁以日視朝遂以食日中后與王

而餽餽者餽朝之餘故以一舉為朝食

同庖賈疏玉藻夫人與君同庖鄭鼎十有二牢鼎九

注不特殺明后亦與王同庖

陪鼎三物謂牢鼎之實亦九俎賈疏郊特牲鼎俎奇

而籩豆偶謂正鼎九

牛一羊一豕一魚一腊一腸胃一膚一鮮魚一鮮腊

一陪鼎三腳一臠一醢一皆奇數也總十有二物皆

有俎亦約畧言之牢鼎各一俎陪

鼎之實即庶羞在豆者別無俎也

案大司樂王大食三侑則日一舉之為常饌明矣常

饌日舉大牢則大食何以加焉且玉藻明言天子日

食少牢朔月大牢則是天子常食不殺牛也然此經

去鼎十有二則正鼎九者之中宜若有牛者豈常食之鼎實不必與祭祀賓客同雖少牢備九鼎而以他物充之與以諸官攷之則雞人之雞鼈人之鼈皆俎實也大雅云其殽維何魚鼈鮮魚

通論鄭氏鍔曰鼎十有二法天之數觀天子之冕十有二旒衣十有二章城十有二門馬十有二閑則可知矣

以樂侑食

正義鄭氏康成曰侑勸也 賈氏公彥曰王制天子食日舉以樂大司樂職王大食皆令奏鍾鼓大食朔食也日食之樂不言令奏者文畧也

案王食必以樂侑者聞和聲則心億而氣行也遇變而不舉又所以使王惕然於天時人事而哀樂不失乃能協於天地之性也 陳氏暘謂大司樂職王大食三侑皆令奏鍾鼓則恒食無鍾鼓非也惟大食之鍾鼓大司樂令奏故特著之下經以樂徹于造正朝

夕恒食也既以樂侑則有鍾鼓可知不言令者以常
事畧之耳或以其事相因則宜膳夫令之如大祝之
來瞽令臯舞或食上樂人自奏鍾鼓而舉樂如進饌
進羞工乃升歌 論語疏天子諸侯每食作樂樂章
樂師各異案左傳向魋之亂宋公欲召向巢聞鍾聲
曰夫子將食則國君以上可知

膳夫授祭品嘗食王乃食卒食以樂徹于造

造昨
早反

正義鄭氏康成曰祭謂刲肺脊也

賈疏祭肺有二種
一為舉肺亦名離

肺為食而有也一為祭肺亦名剝肺為祭而有也舉肺離而不絕祭肺則絕之膳夫授祭為食而授則舉肺也而注云剝肺者以優至尊故與祭祀同剝肺也鄉飲酒鄉射無連言脊者士虞特牲皆言授肺脊故注依之而兼言脊曲禮殺之序徧祭禮飲食必祭示之今徒言祭肺者畧舉其所先也

有所先 賈氏公彥曰玉藻凡食火熟者先君子鄭

注備火齊不得也故膳夫品食皆先嘗之卒終也天

子祭祀歌雍以徹徹食器之樂章未聞 鄭氏衆曰

造謂造食之故所居處也已食徹置故處

案疏謂肺有二種其一離肺離肺小而長半割之不

提心祭時絕之而為祭故謂之離肺既祭則臠之故
又名臠肺與脊同舉則謂之舉肺也其一剝肺剝肺
即切肺切肺則祭肺也離肺亦祭而剝肺專名祭肺
者以其唯主於祭也王食當設舉肺然祭離肺之灋
必興右手取肺卻左手執本坐弗繚右絕末以祭乃
興加于俎有再興再坐之勞故直用祭肺膳夫以授
王王祭之而已故云優至尊也

通論朱子曰古人飲食每種各出少許置之豆間之

地以祭先代始為飲食之人不忘本也 程子曰古人飲食必祭食穀必思始耕者食菜必思始圃者先王無德不報如此

王齊日三舉

齊側皆反

正義鄭氏康成曰齊必變食

存疑賈氏公彥曰王日一舉謂一日一大牢齊必變食故加至三案玉藻朔食加日食一等則當兩大牢不言者文不具 毛氏應龍曰日三舉者非殺牲以

養之謂也備品物之薦舉鼎俎如朝食之禮者三盛典禮而薄滋味也

案無牲體則以實鼎俎者何物義亦難通

王氏應電

曰日三二字當作則不齊之日宜冲淡以養其精神故不飲酒不如葷不聽樂舉則飲酒侑食齊不舉與下文類相從

案齊日三舉致其敬潔以交神明故日中及夕皆不餽朝食之餘也祭祀吉事未必與下文諸凶事同為不舉既云舉則無不殺牲之禮矣此第謂致齊之三

日若散齊則不必然

通論王氏安石曰祭祀致齊不御內不聽樂不飲酒
不膳葷喪者則弗見也刑者則弗見也不蠲則弗見
也蓋不以哀樂欲惡貳其心又去物之昏憤其志意
者所以致精明之至以交神明也

大喪則不舉大荒則不舉大札則不舉天地有裁則不

舉邦有大故則不舉

札側
八反

正義賈氏公彥曰臣子一皆為王喪啜粥故大喪不

舉也 鄭氏康成曰大荒凶年大札疫癘也天裁日月晦食地裁崩動也大故寇戎之事 鄭氏衆曰大

故刑殺也

賈疏大喪大荒等下別言大故故後鄭以爲寇戎引先鄭說者見刑殺亦含在內

春秋傳司寇行戮君為之不舉

賈疏春秋傳謂不舉樂此經謂不殺牲然

含不舉

樂在內

通論王氏應電曰古者有大臣之喪斷大逆之獄皆不舉此不盡述文畧也

王燕食則奉膳贊祭

正義鄭氏康成曰燕食謂日中與夕食奉膳奉朝之

餘也所祭者牢肉

賈疏玉藻諸侯夕深衣祭牢肉鄭注天子言日中諸侯言夕天子言

餽諸侯言祭牢肉互見為義則天子諸侯朝皆祭肺

日中與夕皆祭牢肉也一牢分為三時故日中與夕

奉以朝之餘膳也

凡王祭祀賓客食則徹王之胾俎

食如字

正義鄭氏康成曰膳夫親徹胾俎胾最尊也其餘

則其屬徹之

賈疏中士已下是也

賈氏公彥曰胾者酢也王

與尸賓相答酢也祭祀有胾俎者若特牲主人受尸

酢後主婦致爵于主人席於戶內佐食設胾俎有司
徹主人受尸酢長賓設胾俎是也王受尸酢禮亦當
然

案食當作入聲讀非食禮九舉與公食大夫之食也
食禮主君不與賓共食則無胾俎此有胾俎者蓋燕
饗之禮與燕禮惟賓與公有俎宰夫為主人獻賓膳
宰設折俎賓俎也獻公膳宰設折俎胾俎也至徹賓
自取俎以出膳宰徹公俎與此膳夫徹王之胾俎正

同饗禮無攷然有飲則有獻酢有獻酢則有阼俎可
推矣食謂王食折俎之實猶特牲少牢禮所云食舉
食馘也注謂王與賓客禮食有阼俎疏謂公食大夫
賓前有食君前無食天子異於諸侯故王前亦有食
俎臆說無稽

凡王之稍事設薦脯醢

正義鄭氏康成曰稍事有小事而飲酒 王氏安石
曰稍事禮之畧者

辨正賈氏公彥曰先鄭謂非日中大舉時而閒食謂之稍事其意旦起日中食牲牢日中後空食脯醢後鄭不從者玉藻諸侯夕深衣祭牢肉則天子夕食牢肉可知又脯醢是飲酒肴羞非是食饌

案稍事謂不當食時而稍稍飲酒也故直有脯醢而已

王燕飲酒則為獻主

正義鄭氏衆曰主人當獻賓則膳夫代王為主君不

敵臣也燕義使宰夫為獻主臣莫敢與君亢禮

通論王氏昭禹曰饗以訓恭儉則以禮為尚燕以示
慈惠則以恩為尚

案饗乃君臣相接之隆禮几設而不倚爵盈而不飲
其禮極嚴故王與后親獻焉后不與則大宗伯攝也
燕主盡歡以君臨之則恐拘苦而不舒故膳夫為獻
主既以浹賓主之情而仍以存君臣之分也食禮君
親設醯醬設大羹設稻粱亦嚴矣然將食則君退辟

于箱欲其安坐而食也飲酒可以倏興倏坐食而如此則氣體為之不寧禮所以曲盡人情也有衆饗衆燕而無衆食者亦以此

掌后及世子之膳羞

正義鄭氏康成曰主其饌之數而不饋

賈疏上文言王之饋則膳

夫親饋之

案記稱君與夫人同庖周官雖無王后同庖之文然膳夫庖人內饗三職王與后世子之膳羞文竝相連

正以明后世子之膳即王舉之牲體耳疏乃謂世子與王別牲何與

凡肉脩之頒賜皆掌之凡祭祀之致福者受而膳之以摯見者亦如之

正義鄭氏衆曰脩脯也膳之以給王膳也摯謂羔鴈

雉 鄭氏康成曰致福謂諸臣祭祀歸胙於王

賈疏春秋

傳子產云祭有受脰歸脰注受脰謂君祭以肉賜大夫歸脰謂大夫祭歸肉於公也王臣亦然

賈

氏公彥曰加薑桂鍛治者謂之脩不加薑桂以鹽乾

之者謂之脯散文則脩脯通 王氏詳說曰少儀為

人祭曰致福為已祭而致于君子曰膳其禮犬牢以

牛左肩臂臠九箇

孔疏自肩至蹄折為九段

少牢以羊左肩七箇

牷豕以豕左肩五箇

薛氏衡曰都宗人凡都祭祀

致福于國家宗人凡祭祀致福祭僕凡祭祀致福者

展而受之又司士掌擯士者膳其摯此經曰受而膳

之是受之於祭僕及司士而以膳於王也

歲終則會唯王及后世子之膳不會

正義鄭氏康成曰不會計多少優尊者 賈氏公彥
曰膳夫所掌膳羞是其正故世子亦不會庖人王及
后不會則世子會之彼禽獻是加故會 楊氏時曰
說者謂有司不得拘制天子故不會計多少然要非
蕩然無節制也九式掌於冢宰則人主自不得恣其
費用而用皆合式不必以有司之法會之

案會者分各事各人所食之費而會之膳夫歲終之
會必有都數除餘人所食之數則王后世子之膳之

數亦可見矣特以尊者所食不指而會之凡言不會者竝同

通論易氏祓曰經言不會者五裘與皮事惟王不會服與飲酒膳禽之不會則后與馬膳則世子亦不會蓋膳常禮也若裘與服則有華靡之戒膳禽飲酒則有盤遊沉湎之戒觀有司之會不會而先王教世子之道寓焉矣

案王后世子之膳不會非凡用皆不會也蓋品味有

常不敢以異物共之無所用其會非恣其欲而不為之限度也故王后之服不會飲食不會膳禽不會皆以有常式也世子則服不敢侈多寡惟王命而服會矣飲無常期疏數唯王命而酒會矣食無加獻有無唯王命而膳禽會矣唯膳則朝夕有常故與王后同耳比事以觀則其義顯然矣

庖人掌共六畜六獸六禽辨其名物

畜丑六反釋文許又反

正義鄭氏康成曰六畜六牲也始養之曰畜將用之

曰牲春秋傳卜日曰牲鄭司農云六獸麋鹿熊麋野豕兔六禽鴈鶉鷄雉鳩鵠某謂獸人冬獻狼夏獻麋又內則無熊則六獸當有狼而熊不屬六禽於禽獻及六摯宜為羔豚犢麋雉鴈凡鳥獸未孕曰禽司馬職大獸公之小禽私之

賈疏爾雅四足而毛曰獸兩足而羽曰禽是對文例若散

文則獸未孕時亦曰禽故名禽獻 王氏昭禹曰獸亦可謂之禽易曰即鹿无虞以從禽也

賈

氏公彥曰夏官校人羊人地官牛人春官雞人秋官犬人冬官豕人各以其畜送與庖人六獸六禽即獸

人送之庖人以共與膳夫內外饗故曰掌共 劉氏
彛曰辨其名物者物雖可食不辨其毒則能害人內
則不食雛鰐狼去腸狗去腎狸去正脊兔去尻狐去
首豚去腦魚去乙鰐去醜又曰雛尾不盈握弗食舒
鴈翠鵠鵝胖舒鳧翠鷄肝鴈腎鵠與鹿胃皆食之不
利於人所當辨者

辨正賈氏公彥曰下文禽獻取羔豚犢麋大宗伯六
摯亦取羔及雉鴈先鄭以六禽內有鵠鵝鵠四者

於經無據故後鄭不從

通論鄧氏元錫曰庖人辨名物內饗辨體名肉物辨
百品味之物辨腥臊膾羶香之不可食者亨人辨膳羞
之物君子既賴其養又致其辨所以審物宜慎頤養
也

凡其死生鱻薨之物以共王之膳與其薦羞之物及后

世子之膳羞

鱻悉然反
薨古老反

正義鄭氏康成曰凡謂計數之薦亦進也備品物曰

薦

賈疏醢人醢人所列是也

致滋味乃為羞王言薦者味以不褻

為尊

鄭氏衆曰鱻謂生肉薨謂乾肉 王氏安石

曰庖人共后世子之膳羞而不共薦者蓋薦則后世子之官屬共之

共祭祀之好羞共喪紀之庶羞賓客之禽獻

好呼報反

正義鄭氏康成曰好羞若荊州之鯪魚青州之蟹胥

陸德明曰雖非常物進之孝也喪紀喪事之祭謂虞

蟹胥蟹醬

祔也

賈疏凡喪未葬以前朝夕奠及大奠皆無薦羞之禮虞祔乃有之

禽獻獻禽於

賓客獻古文為獸杜子春云當為獻 賈氏公彥曰
賓客之禽獻若掌客上公乘禽日九十雙侯伯七十
雙子男五十雙之類 王氏安石曰喪有禮以紀之
故曰喪紀

案王氏安石謂先祖先妣平生所好祭祀則特羞之
王氏昭禹引文王之菖歎曾皙之羊棗以證之皆非
也屈到嗜芰有遺命宗老將薦芰而屈建命去之周
公乃用此為祀典乎

凡令禽獻以灋授之

正義鄭氏康成曰令令獸人也禽獸不可久處賓客至庖人乃令獸人取之必書所當獻之數與之及其來致禽亦以此書校數之至於獻賓客又以此書付使者展而行之掌客職乘禽於諸侯各如其命之數

賈疏謂上公九命日九十雙之等

聘禮乘禽於客日如其饗餼之數

賈疏聘禮記乘禽日如其饗餼之數此臣禮不依命數公侯伯之卿三命子男之卿再命皆以爵卿也饗

饌五牢禽獻日五雙故言日如其饗餼之數

士中日則二雙

賈疏中間也士為介間日

則二
雙

其出入亦如之

正義賈氏公彥曰庖人書所共禽獻之數令於獸人
獸人依數以禽入庖人是入也庖人得禽依數付使
者送向客館是出也鄭氏鍔曰其來共也以所授
之灋而入之其將用也以所授之灋而出之
凡用禽獻

正義鄭氏康成曰用禽獻謂煎和之以獻王王氏

昭禹曰先王因時制宜以調品味養形性所以四時有禽獻之灋

春行羔豚膳膏香

香內則作薌

正義賈氏公彥曰行義與用同 程子曰羔豚羊豕

之小者方春品物小故以小而美者為宜 鄭氏衆

曰膏香牛脂也以脂和之 王氏安石曰牛土畜也

春木用事宜助養脾

夏行牀鱠膳膏臊

牀其居反鱠師優反臊素刀反

正義鄭氏衆曰居乾雉鱗乾魚

賈疏士相見禮冬用雉夏用居故知居是

乾雉

程氏曰方夏物饒敗故以乾者為宜 杜氏子

春曰膏臊犬膏也 王氏安石曰犬金畜也夏火用

事宜助養肺

秋行犢麋膳膏腥

麋音迷

正義王氏應電曰犢牛子麋鹿子 賈氏公彥曰秋

時草物實犢麋食之而肥 鄭氏康成曰膏腥雞膏

也 王氏安石曰雞木畜也秋金用事宜助養肝

辨正賈氏公彥曰四時所膳皆取死之脂膏春時土死牛屬中央土故以之夏時金死犬屬西方金秋時木死雞屬東方木冬時火死羊屬南方火臊腥俱不得為豕膏故先鄭及子春說後鄭俱不從

冬行鱣羽膳膏羶

羶書然反

正義杜氏子春曰鱣魚也羽鴈也膏羶羊脂也王

氏安石曰羊火畜也冬水用事宜助養心鄭氏康成曰羔豚物生而肥犢與麋物成而充牯鱠曠熟而

乾魚鴈水涸而性定此八物者得四時之氣尤盛為

人食之弗勝是以用休廢之脂膏煎和膳之

賈疏用休廢之

脂膏者五行王相相剋春木王火相土死金囚水為休廢夏火王土相金死水囚木為休廢以下推之可

知王所勝者死相所勝者囚新謝者為休廢經所云膳膏皆是死之脂膏相對死與休廢別散則死亦為

休廢牛屬司徒土也雞屬宗伯木也犬屬司寇金也羊

屬司馬火也

案四時所行與膳膏之異物性所宜配之必各有以先儒所釋亦未知其是否姑存以備攷核食醫疾醫

所言五行生克之類皆倣此

通論王氏詳說曰月令春食羊夏食雉季夏食牛秋食犬冬食彘與此不同蓋月令所食順時令也庖人所行順物性也或記所稱非周制與 魏氏校曰春為陽中秋為陰中故膏豚犢麋皆取其稚者夏則陽盛冬則陰盛故牯鱠鱖羽皆取其成者

歲終則會唯王及后之膳禽不會

會古外反

正義鄭氏康成曰膳禽四時所膳禽獻加世子可以

會之

內饗掌王及后世子膳羞之割亨煎和之事

和胡卧反下文同

正義鄭氏康成曰割肆解肉也

賈疏士喪禮四髣去蹄明割是肆解肉

亨煮也煎和齊以五味

易氏祓曰左傳載晏子之

言曰水火醯醢鹽梅以亨魚肉宰夫和之齊之以味

濟其不及以洩其過君子食之以平其心是以不可

輕

辨體名肉物辨百品味之物

正義鄭氏康成曰體名脊脅肩臂臑之屬肉物載燔

之屬

賈疏案少牢解羊豕前體肩臂臑後體膊髀又有正脊脰脊橫脊又有短脅正脅代脅其體十

一截謂切肉公食大夫禮十六豆有載傳火曰燔少牢賓尸禮羞羊燔豕燔

百品味庶羞

之屬言百舉成數

王舉則陳其鼎俎以牲體實之

正義鄭氏康成曰取於鑊以實鼎取於鼎以實俎實

鼎曰胥實俎曰載

賈疏胥升也少牢禮司馬升羊實于一鼎是實鼎曰胥特牲卒載加

匕于鼎是實俎曰載又少牢升羊載右胖升豕其載如羊有司徹亦云乃升注升牲體於俎若然實鼎唯

有升名無載稱若
實俎升載兩有

賈氏公彥曰陳鼎有二處初陳

鼎於鑊西後陳鼎於阼階下陳俎於鼎西

選百羞醬物珍物以俟饋

正義鄭氏康成曰先進食之時恒選擇其中御者

賈氏公彥曰百羞庶羞百二十品醬物即醬用百二十
十饔珍物八珍之類 王氏昭禹曰俟饋俟膳夫之
饋也

案選以俟饋則知醯人醢人所共百二十饔乃奉以

待饗人之選而非一朝而罄之矣

共后及世子之膳羞

正義鄭氏康成曰膳夫掌之是乃共之

案膳夫於王朝夕恒膳授祭品嘗以其燕食稍事皆
有事焉故必親饋王后居深宮世子從師保而學於
虎門皆別有饋者內饗共其膳羞而已注謂膳夫掌
之掌其式灋也內饗共之共其品物耳疏謂內饗言
共為親饋非也

辨腥臊羶香之不可食者

正義鄭氏康成曰腥臊羶香本可食此乃別其不可食則臭味惡者也 王氏應電曰腥臊羶香雞犬羊牛之味也其不可食以有疾而形體變如下所云

牛夜鳴則廔

廔音由徐餘柳反

正義鄭氏衆曰廔朽木臭也 賈氏公彥曰內則注廔惡臭也春秋傳一薰一蕕

羊泠毛而毳羶

泠音零徐卽年反

正義鄭氏康成曰冷毛毛長總結也

賈疏冷毛謂毛長也毳謂毛別

聚結者

犬赤股而躁臊

躁側到反

正義賈氏公彦曰股裏無毛謂之赤股非謂其肉赤也走又躁疾其肉必臊

鳥鵠色而沙鳴狸

鵠一作鵠匹表反沙如字一所嫁反狸依內則作鬱於弗反

正義鄭氏康成曰鵠失色不澤美也沙澌也

案內則注猶澌

也

賈氏公彦曰鳥毛失色而鳴又澌肉氣必鬱鬱

謂腐臭也 王氏昭禹曰顰色則氣鬱而不達於毛
羽沙鳴則氣鬱而不達於聲音其肉氣亦鬱而不可
食矣

豕盲眊而交睫腥

眊時利反又音視睫音接

正義杜氏子春曰盲眊當為望視

賈疏盲內則為望故子春從之

孔氏穎達曰望視謂豕視望揚交睫謂目睫交毛

鄭氏康成曰腥當為星聲之誤也肉有如米者似星
案望者視遠而目揚也豕視下而近望視則反其常

馬黑脊而般臂螻

般音班螻音樓干依禮記音漏

正義鄭氏康成曰般臂謂臂毛有文

鄭氏衆曰螻

螻蛄臭也

賈疏內則螻為漏於義無取當從此

賈氏公彥曰馬脊黑

前脰般般然

郝氏敬曰般班同

其肉必螻

存疑方氏慤曰般猶疾之有癰在前脰故曰癰臂

總論賈氏公彥曰此皆不利人故禁之也

凡宗廟之祭祀掌割亨之事

正義賈氏公彥曰言宗廟之祭祀則內饗不掌外神

也言凡則四時及祫禘等皆在其中上王后言煎和此止言割亨者煎和以致味鬼神尚質不貴褻味凡燕飲食亦如之

正義賈氏公彥曰謂王及后世子自燕飲食皆須割亨故云亦如之

案燕食即膳夫職之王燕食也燕飲即膳夫職之王燕飲酒也后世子之燕食與王同此用朝膳所存之牢肉故亦有割亨后世子無與賓燕之禮則后世子

自飲酒或王與后世子飲酒皆得為燕也若王與客燕則有特牲賓射之燕則以牛

凡掌共羞脩刑膾胖骨鱠以待共膳

上共依注作具膾火鳥反徐凶武反

胖普半反

下並同

正義鄭氏康成曰掌共之共當為具

賈疏下云以待共膳故上共字

當為具

羞庶羞也脩鍛脯也刑鉶羹也

賈疏特牲兩脰設於豆南

膾肉大臠所以祭者

賈疏膾魚肉皆有之公食大夫禮庶羞皆有大謂大臠據肉而

言有司徹主人亦一魚加膾祭於其上據魚而言也

胖如脯而腥者

賈疏乾則為脯不乾

而腥
為胖骨牲體也 王氏昭禹曰膾肉臠之大而無骨

者

凡王之好賜肉脩則饗人共之

正義鄭氏康成曰好賜王所善而賜也

案指言饗人明事不繫於外饗也內饗共內外饗共
外好賜膳肉脩王之膳脩之餘也故內饗共之

外饗掌外祭祀之割亨共其脯脩刑膾陳其鼎俎實之
牲體魚腊

正義賈氏公彥曰外祭祀謂天地四望山川社稷五祀凡外神 王氏昭禹曰內饗不言魚腊以外饗見之也

案視內饗所共少胖骨鱠者於下牲體魚腊該之也
內饗所掌宗廟之祭祀也禮宜備物外祭祀則兼次
祀小祀且有魚腊則宗廟不待言矣或謂羣小祀不
用牲或用魚腊不用牲成何祭典乎肆師職立小祀
用牲

凡賓客之飧饗饗食之事亦如之

食音嗣

正義鄭氏康成曰飧客始至之禮饗既將幣之禮致

禮於客莫盛於饗

賈疏聘禮記聘日致饗鄭注急歸大禮若諸侯來朝亦朝日致之饗

之中有飪有腥有牽又有酒有米兼燕與食其中芻薪米禾又多故云莫盛於饗

王氏昭

禹曰饗以飲為主故行人職曰饗禮九獻食以食為

主故曰食禮九舉

案飧饗致於館饗食在廟故外饗主之若燕在寢則

內饗掌之內饗職凡燕飲食中具矣

邦饗耆老孤子則掌其割亨之事

正義鄭氏康成曰王制周人養國老于東膠養庶老

于虞庠

賈疏國老謂卿大夫致仕者庶老謂士之致仕者

孤子死王事者之

子也 賈氏公彥曰耆老謂死事者之父祖兼有國

老庶老 程子曰言饗不言食饗未嘗無食也耆老

者其以六十為率與王制六十養于國

通論陳氏祥道曰老之與於養者三國老也庶老也

死政者之老也羅氏獻鳩以養國老在中春月令養

衰老授几杖在中秋文王世子凡大合樂必遂養老
鄭氏據周官大胥以大合樂為春入學舍菜合舞秋
頒學合聲則兼中春中秋也月令謂季春之末大合
樂或非周制若天子入學莫不養老又不在歲養之
數

饗士庶子亦如之

正義鄭氏康成曰士庶子衛王宮者若今之饗衛士
師役則掌共其獻賜脯肉之事

正義鄭氏康成曰獻謂酌其長帥

賈疏獻謂獻酒非獻肉故云酌其長

帥

王氏應電曰勞將帥曰獻犒兵衆曰賜獻賜皆

有脯肉

凡小喪紀陳其鼎俎而實之

正義賈氏公彥曰小喪紀謂夫人以下之喪 鄭氏

康成曰鼎俎謂喪事之奠祭

賈疏殷奠及虞祔之祭皆有鼎俎

案大喪紀實鼎俎者無文何也凡大祭祀小祭祀及饗食奉牲羞肆皆諸官之正貳帥其屬而共之而司

馬有喪祭奉詔馬牲之文則凡牲視此矣庖人共喪
紀之庶羞而不及牲事以此小喪紀王宮之事而掌
以外饗何也內饗掌王及后世子之膳羞故所兼惟
宗廟吉祭膳夫職無喪紀亦此義耳 內饗本職共
王及后世子之膳羞宗廟之祭特以時舉且所掌惟
割亨故先膳羞而後及祭祀外饗所掌祭祀飧饗饗
食獻賜皆以時舉則先其重者可矣喪紀尤非常故
未列之

亨人掌共鼎鑊以給水火之齊

亨普庚反鑊胡郭反齊才細反

正義鄭氏康成曰鑊所以煮肉及魚腊之器既孰乃

胥於鼎齊多少之量

賈疏案少牢爨在廟門外東南大夫五鼎羊豕魚腊各異鑊鑊

中肉孰各升一鼎故云既孰乃胥於鼎其實水於鑊及爨之以火皆有多少之齊案少牢腸胃無異鑊之文豕不用腸胃羊腸胃即在羊鑊中疏兼腸胃不可通故削之

易氏祓曰水有

多寡火有緩急齊其水火而使之無過不及也

職外內饗之爨亨煮辨膳羞之物

爨七玩反

正義鄭氏康成曰職主也爨今之竈

賈疏周禮儀禮皆言爨論語寧

媚於竈禮記七祀亦
言竈故曰饗今之竈

案辨膳羞之物以為饗亨煮久暫緩急之齊也其物
之美惡則饗者辨之

祭祀共大羹鉶羹賓客亦如之

大音泰

正義鄭氏衆曰大羹不致五味也鉶羹加鹽菜矣

鄭氏康成曰大羹肉清

賈疏肉汁一名清

賈氏公彥曰大

羹盛於登鉶羹皆是陪鼎腳臠臠牛用藿羊用苦豕
用薇調以五味盛之鉶器謂之鉶羹盛於豆即為庶

羞賓客亦如之謂致饗餼及飧禮皆有陪鼎饗食亦應有大羹 鄭氏鶚曰祭祀薦大羹者記曰大羹不和貴其質也 敖氏繼公曰大羹上牲之肉汁也以其重於他牲故曰大

案公食大夫禮大羹湑不和實於鐙公親設之宰夫設鉶四於豆西是賓客之大羹鉶羹也敖云上牲者謂大牢則牛少牢則羊特牲則豕也疏言酈臠臠據大牢之陪鼎也若少牢則羊鉶豕鉶而已少牢下篇

見之

甸師掌帥其屬而耕耨王藉以時入之以共齎盛

甸弟
硯反

耨乃豆反
齎音資

正義鄭氏康成曰其屬謂府史胥徒也耨芸芋也王

以孟春躬耕帝藉天子三推三公五推卿諸侯九推

賈疏並
月令文

庶人終于千畝

賈疏周
語文

庶人謂徒三百人藉

之言借也王一耕之而使庶人芸芋終之

王氏應電
曰躬耕雖

在君而實借力
於民故曰藉

齎盛祭祀所用穀也染稷也

賈疏爾
雅文

穀以稷為長

賈疏案月令中央土食稷與牛五行土為尊故知稷為五穀長又爾雅以稷為

染通言之六穀皆染小宗

賈氏公彥曰天子藉田

伯職辨六染之名物是也

千畝在南郊天子三推示恭敬鬼神又為天下先也

夏麥秋禾各以熟時入神倉在穀曰染在器曰盛

王氏昭禹曰以耒犂地謂之耕以金芸草謂之耨

祭祀共蕭茅共野果蓏之薦

蓏力果反

正義鄭氏康成曰詩取蕭祭脂郊特牲蕭合黍稷臭

陽達于牆屋故既薦然後炤蕭合馨香合馨香者蕭

之謂也茅以共祭祀之苴

賈疏蕭祭宗廟時有之茅外內之神俱用士虞禮束

茅長五寸立于几東謂之苴司巫職祭祀共蒹館謂甸師共茅與司巫司巫為苴以共之此據祭宗廟也

又鄉師職大祭祀共茅蒹據祭天時亦甸師氏送茅與鄉師為苴以共之亦以縮酒縮酒

沛酒也醴齊縮酌

賈疏司尊彛職文

甸在遠郊之外郊外曰

野果桃李之屬蒹瓜瓞之屬

賈疏案食貨志臣瓚以為在樹曰果在地曰蒹

張晏以為有核曰果無核曰蒹注從張晏

杜氏子春曰蕭香蒿也

陳

氏汲曰古者無廢地方禾黍未登場則以樹果蒹之

屬雖帝藉亦無曠土也

案場人凡祭祀共果蓏此則專薦宗廟與

喪事代王受眚哉

眚生景反

正義鄭氏康成曰齎盛者祭祀之主也國遭大喪若

云此染盛不馨使鬼神不逞於王

賈疏逞快也

既殯大祝

作禱辭授甸人使以禱藉田之神

賈疏大祝職授甸人禱辭在大斂後

大斂則殯故知在既殯後

受眚哉弭後殃

賈氏公彥曰眚過也

案喪凶事也有喪事則眚哉已見矣唯恐尚有餘哉

甸師以齎盛不潔引為已罪而代受之如云凡有殃

咎宜加臣身云爾故注云弭後殃

王之同姓有臯則死刑焉

正義鄭氏衆曰文王世子公族有死罪則磬于甸人

賈疏彼注縣縊殺之曰磬易氏被曰文王世子又云其刑罪則纖刺亦告于甸人又曰公族

無宮刑獄成致刑于甸人又曰刑于隱者不與國人

慮兄弟也 賈氏公彥曰絕服之外與王同姓者死

及肉刑皆在甸師氏案掌囚職凡有爵者亦奉而適

甸師氏以待刑殺此不云者文略 王氏昭禹曰同

姓有罪不免於死義也刑而不暴於外仁也非義無以公天下之法非仁無以顯同姓之恩

案賈疏同姓絕服之外者絕服尚然則有服者可知魏氏了翁謂五服之內則在議親之辟夫曰議蓋從末減耳若大罪能無刑乎書周公致辟管叔于商帥其徒以薪蒸役外內饗之事

正義鄭氏康成曰役為給役也木大曰薪小曰蒸賈氏公彥曰徒三百人耕耨藉田千畝其事至閑故

兼為外內饗所役使共其薪蒸

案王藉千畝以一夫百畝為率徒十人足矣敬其事而勤易焉倍之可矣多至三百人以其共外內饗所用之薪蒸也所共者蓋亦於祭事用之

獸人掌畧田獸辨其名物

正義鄭氏康成曰畧罔也以罔搏取所當田之獸

賈氏公彥曰夏官四時之田春用火夏用車秋用羅冬用徒各以一為主無妨四時兼有罔

案先王既有四時之田以習武守又設獸人專除田中之獸故辨其名物無害於稼者則不罟不足以共祭祀喪紀賓客膳羞者則不獻也

冬獻狼夏獻麋春秋獻獸物

正義鄭氏康成曰狼膏聚麋膏散聚則溫散則涼以救時之苦也獸物凡物皆可獻也 王氏安石曰冬物成之時狼殘物之尤者夏田稼之時麋害稼之衆者春秋書多麋是也故各於其尤害物之時罟而獻

之雍氏春令為阱獲之利於民者則春獻獸物亦以除害

辨正楊氏恪曰案月令仲冬陰極陽生而麋角解則知麋陰物其性自涼疏以山獸澤獸為義似未安

案冥氏穴氏專攻猛摯之獸慮其害人獸人則兼取其可備膳羞者

時田則守畧及弊田令禽注于虞中

弊必藝反
徐蒲計反

正義賈氏公彥曰時田謂四時田獵注猶聚也 鄭

氏康成曰守畧備獸觸攫

賈疏防備獸時觸網而攫者則取之

弊仆也

仆而田止

鄭氏衆曰弊田謂春火弊夏車弊秋羅

弊冬徒弊

賈疏大司馬職文

虞中謂虞人獐所田之野及弊

田植虞旗于其中致禽而珥焉

賈疏山虞職文

獸人主令田

衆得禽者置虞人所立虞旗之中當以給四時社廟之祭珥焉者取左耳以效功

案掌畧田獸獸人自畧之也故以時獻其所獲時田則守畧從王田而守畧以備禽之逸也故令注于虞

中

凡祭祀喪紀賓客共其死獸生獸

正義鄭氏康成曰共其完者

賈疏其不完者入於腊人

賈氏公

彥曰共於庖人

凡獸入于腊人皮毛筋角入于王府

正義鄭氏康成曰入於腊人當乾之也入於王府給作器物也

凡田獸者掌其政令

正義賈氏公彥曰以獸人知田獵之法 王氏應電
曰畋狩有時王制獺祭魚然後虞人入澤梁豺祭獸
然後田獵鳩化為鷹然後設罝羅昆虫未蟄不以火
田是也取獸有法若不麝不卵不殺胎不殀天不覆
巢不成禽不獻是也及夫辨其死生鱣鼈之物當公
當私之宜皆所謂政令

案凡田獸謂百姓之獵者王制四時之田天子諸侯
大夫既殺縱民使獵民居山澤間者亦不禁其取獸

角人以時徵齒角凡骨物於山澤之農是也蓋天子諸侯蒐狩之政令掌於司馬而獸人所掌則百姓田獵之政令亦存焉凡漁者掌其政令義同

鰲人掌以時鰲為梁

鰲漁同

正義賈氏公彥曰取魚歲凡五月令孟春獺祭魚此時得取一也季春薦鮓于寢廟二也鼈人職秋獻鼈魚三也王制獺祭魚然後虞人入澤梁是十月取魚四也潛詩序季冬薦魚與月令季冬漁人始漁同五

也唯夏不取魯語宣公夏濫于泗淵以其非時里革
諫之鄭氏衆曰梁水偃也偃水為關空以笥承其
空詩敝笥在梁賈疏梁謂偃水兩畔中央通水為關
孔笥者葦薄以薄承其關孔魚過者
以薄承取
之詩齊詩

春獻王鮪

鮪雲
壘反

正義鄭氏康成曰王鮪鮪之大者

王氏安石曰物之
大者多謂之王

月令季春薦鮪于寢廟

餘論鄭氏鶚曰王鮪非常時所有唯春乃獻昔人謂

鮪魚出河南鞏縣至春浮陽乃入西河至漆沮故周人取之以獻

辨魚物為魚鱣以共王膳羞凡祭祀賓客喪紀共其魚

之鱣

鱣本又作
槁苦老反

正義鄭氏康成曰鱣生也鱣乾也 賈氏公彥曰共於膳夫以共王也祭祀賓客喪紀則共於內外饗以膳夫不掌祭祀之事

案王之膳羞列於祭祀賓客喪紀之上者其用為多

也膳夫庖人內饗三職后世子之膳羞皆與王連舉故他職但舉王以該后世子獸人鼈人亦共王特於獻人見之耳

凡獻者掌其政令

正義賈氏公彥曰以獻人知取之時節及處所鄭氏鏐曰漁者取魚受政令於獻人則無竭澤之害凡獻征入于王府

正義鄭氏衆曰漁征漁者之租稅獻人主收之賈

氏公彥曰十月獺祭魚川澤之民於是時亦得取魚
水族之類鬚骨堪飾器物者竝漁人主徵之入於玉
府以當邦賦

案殿征該下鼈人在內
如鼈之皮龜之甲皆是

王氏昭禹曰

文王之治岐也澤梁無禁而周公之法則漁人有征
蓋方商之季山林川澤宜弛以與民救時之善政也
至成王之世道洽政行苟無征則民之棄本者衆矣
故征之所以抑末

鼈人掌取互物以時簞魚鼈龜蜃凡狸物

簞尺角反
蜃市軫反狸

莫皆反
音埋

正義鄭氏衆曰互物謂有甲之物籍謂以杈刺泥中
搏取之狸物自狸藏伏於泥中者 鄭氏康成曰蜃

大蛤

賈疏月令雉入大水化為蜃
對雀入大水為蛤為小蛤

狸物亦謂鱣刀含

漿之屬

賈疏爾雅刀魚
鱣刀也蚌含漿

易氏祓曰魚亦言籍亦謂

其狸藏於泥中者 陸氏德明曰籍同擗莊子冬則

擗鼈于江 王氏應電曰互殼相交互也互物恆狸

王氏昭禹曰互言其體狸言所藏

春獻鼈蜃秋獻龜魚

正義鄭氏康成曰此其出在淺處可得之時 王氏
安石曰鼈及龜魚字乳以夏而蜃以夏秋春獻鼈蜃
秋獻龜魚避其字乳之時也龜主以卜全而用之故
取其堅成之時魚美於秋冬而冬為尤美不以冬獻
者以籍得之先為梁之時而獻也

祭祀共麇羸蜺以授醢人

麇薄皆反音牌又蒲幸
反羸郎戈反蜺直其反

正義杜氏子春曰麇蟀也蜺蜺子也國語蟲舍蜺蜺

賈疏里革諫宣公之言蜋
謂蝗也與蜨別連引之

鄭氏衆曰麤蛤也

賈疏
蛤蟬

一物
兩名

鄭氏康成曰羸虺蜎

賈氏公彥曰蜨蟻子

取白者以為醢醢人有麤醢羸醢蜨醢故以此三者
授之 鄭氏鶚曰三者物之微而祭祀亦用焉何也
記曰不敢用常褻味而貴多品所以交于神明是也
案麤羸蜨獨舉祭祀者鱗互之物以共膳羞者為多
豆實則主於祭祀而後及其餘也授醢人百日前授
之

掌凡邦之籍事

正義王氏應電曰凡有取於水中若金珠玉石或異物及有所遺失以鼈人善於籍事故兼掌之

腊人掌乾肉凡田獸之脯腊膾胖之事

正義鄭氏康成曰大物解肆乾之謂之乾肉若今凉

州鳥翅矣薄析曰脯腊小物全乾

賈疏特牲禮士用兔宗人舉獸尾告

備是小物全乾少牢禮用麋不云舉獸尾則未全天子諸侯所用無文其獸必大亦不必全

趙商

問腊人掌乾肉而無膾胖何鄭答雖鮮亦屬腊人

案鼎實所以用腊者備不時得也故雖有時乾鮮並用而尤貴其乾者魚腊皆然士腊用兔鄭注云然非經文也大夫用麋亦當用全者

凡祭祀共豆脯薦脯臠胖凡腊物

豆依注作羞

正義鄭氏康成曰脯非豆實豆當為羞聲之誤也賈疏

案籩人有栗脯則脯乃籩實非豆實也籩人職共其籩薦羞之實注云未飲未食曰薦已飲已食曰羞羞薦相對下既言薦脯明上當言羞脯也史氏浩曰此所共臠胖皆腊

物也臠胖以形取鮮與薨皆有

存異劉氏曰田獵一為乾豆故祭祀有豆脯

案籩亦可稱豆故云然然已包於薦脯中矣無別出
豆脯之理巧說無取

賓客喪紀共其脯腊凡乾肉之事

正義賈氏公彥曰所共者外饗



欽定周官義疏卷四



覆校官庶吉士臣茅元銘
校對官檢討臣陳夢元

謄錄監生臣李溥